


浙江通志

九十九卷


風俗上下
物產一



漢書門			
二三五二號	九〇函	一四架	一三〇冊
類			

內閣文庫			
二九函	二	三	漢
一〇〇	二	五	書
架	冊	號	類

內閣文庫			
番號	漢	2352	
冊數	120 (41)		
函號	202	48	



勅修浙江通志卷九十九

風俗

上

淺草文庫

記曰移風易俗天下皆寧是風俗之有待於移易由來尚矣兩浙水土風氣不齊故民俗淳漓不一

聖朝六宇同風家不殊俗而厚生正德

教養兼施浙民之感孚尤為淪肌浹髓是以民日遷善而不知道德以一風俗以同觀於浙而知王道之成也

志風俗

浙江全省

周禮職方氏東南曰揚州其民二男五女其畜宜鳥獸

勅修浙江通志卷九十九 風俗上



其穀宜稻

吳越春秋水行山處以船爲車以楫爲馬

漢書地理志吳越之君皆尚勇故其民好用劔

左思吳都賦士有陷堅之銳俗有節概之風

隋書地理志江南之俗火耕水耨食魚與稻以漁獵爲

業信鬼神好淫祀君子尚禮庸庶敦龐

宋史地理志人性柔慧尚浮屠之教厚於滋味善進取

急圖利而奇技之巧出焉

葛澧錢塘賦歌唐誦虞詠仁蹈德長者皆不厭不倦幼

者亦克岐克嶷升降以齒人遵長幼之序漸摩有素

俗安禮義之守學古者不知力農之勞通鬻者不知

奇巧之法熙熙陶陶含哺鼓腹沐浴皇靈優游化國

咸淳臨安志有車船樯楫之蹟故其人至今忠以勤有

苗山封爵功德之會故其人至今勸於爲善有犀貝

橘柚之貢故其人至今知尊君而愛親

志雅堂雜鈔兩浙上直天市垣故市易浩瀚

周起莘雷琴記兩浙人文區藪浙以西之文華而靡浙

以東之文清以淑

舊浙江通志浙東多山故剛勁而隣於亢浙西近澤故

文秀而失之靡

杭州府

錢塘縣

附郭

仁和縣

附郭

後漢書張霸傳郡中爭厲志節習經者以千數道路但

聞絃誦之聲

隋書地理志川澤沃衍有海陸之饒珍異所聚故商賈

並湊

歐陽修有美堂記其民富足安樂其習俗工巧邑屋華

麗

蘇軾上執政書二吳風俗自古浮薄而錢塘為甚雖室

宇華好被服粲然而家無宿春之儲

蘇軾表忠觀碑其民老死不識兵革四時嬉遊歌鼓之

聲相聞

晁補之七述杭俗尚工巧家夸人鬪窮麗殫好八方之

民車湊舟會角富而行寶

秦觀雪齋記其俗工巧羞質樸而尚浮華且事佛為最

勤

葛澧錢塘賦俗享再稔之利婦蠶八育之綿

夢梁錄杭州湖光山色之秀鍾為人物所以清竒特傑

為天下冠

東坡志林卷之九十一
方輿勝覽市列珠璣戶盈羅綺湖山信美於他邦獄訟亦煩於諸郡

武林舊事制度禮文彷彿東京之盛
戴表元學古堂記三吳之州莫大於杭其地山穰水妍其人機慧疎秀而清明其俗通商美宦安娛樂而多馳驅

萬歷杭州府志省城士夫多愛惜名檢不敢以貴勢凌人鄉人以事爭競來質者多閉門謝之無敢武斷凡置買田宅皆平價貿易若度越疆界公行占據者輒為清議所擯山澤舟航之利世業在人不忍攘之以

自封殖蓋雖無公儀拔葵風度而自放於禮法之外
者鮮矣至於大夫守令有愷悌宜民者同聲頌之無異詞其執持公道崇尚清議為列郡稱首庶民雖日覩上官威儀至以獄訟造庭者蒲伏不敢出氣其馴良畏法如此

萬歷杭州府志鄉先達有于肅愍之戮力王室不顧私家故其民尚竒節而恥言勢利有胡端敏之慷慨致身見形察影故其民長慮却顧而務扶幽微有王僉憲琦之清介絕俗故其民知廉潔而好義有項郎中麒之力卻餽遺故其民多檢飭而惡貪近世如江大

蔡氏之世篤忠貞惠憲副隆之杜門掃軌張少叅於
之不昵貴幸翁太守相之靜退自甘許右史應元之
內外修潔高文端儀之正色立朝江學憲圻之純孝
清修此數君子者大則成功於再造次則義烈於鄉
邦次則行修於一邑斯皆足以激厲士心敦厚風俗
爲杭之表式彬彬盛矣

徐一夔告鄉賢文茲邦以德行文學事功風節顯者代
不乏人

錢塘縣志婦女雖喜華服飾而閭閻之習尚勤率作每
日絡絲襍紙及箴紉履襪之類日可入錢餬口

仁和縣志地無曠土田無不耕

海寧縣

胡瑛儒學記鹽官地並海民逐魚鹽爲生列肆負販白

張九成師弟以儒學顯一時三年之間磊落相望

陳昱鹽官縣廳壁記耕桑之地足以衣食魚鹽之利足
以資給

劉基送張知縣序大民儒儒小民愉愉朝出暮歸謳歌
滿塗

張安茂儒學記鹽官地濱東海蓋僻壤云然人文之盛
甲於四方邑之隸武林者九弗能尚也

海寧縣志風俗簡儉農耕婦織家給人足俗尚敦慤
有游惰其民操牢盆者輸鹽租治桑麻者任土貢

富陽縣

楊維禎曹侯惠政碑富陽無沃土美壤以當大府之需
故民勞而貧俗訐而澆

宣德富陽縣志富春雖濱江居民不以魚鹽爲業男力
耕耨女勤蠶織田野樸厚士習禮讓慕高逸亦專科
舉之習有弦誦之風焉

杭州府志業詩書者崇氣節居畝畝者敦樸素

富陽縣志邑人率造紙爲業老小勤作晝夜不休村落

多種柏樹參差成行採子爲膏以應造燭之用

餘杭縣

劉希賢潛公井記尊愛長吏有兩都餘風

徐一夔縣學記餘杭山水之邑其民多秀而知學

嘉靖餘杭縣志早作宴休開闢種藝務盡地利之所有
男務耕作女勤織紉尤善御蠶閭閻童穉皆知服業
百工技藝舊皆外郡之人今多出本邑

嘉靖餘杭縣志俗近還淳富室子弟循循雅飭崇樸素
而去浮華遠詐僞而近禮義差役樂於趨事士大夫
皆崇尚名節昏嫁喪葬一從簡約

餘杭縣志山水清佳風氣樸茂孝弟力田有太古之遺

臨安縣

孫觀縣學記居大山谷中桑麻絲枲之富自足而無貧

民

徐一夔縣學記風俗淳固其人素知詩書

黃汝亨縣志序其俗簡樸而勤

嘉靖臨安縣志民尚樸素爭訟寡少士知學問禮義漸

興男務耕桑女勤蠶織疾病多信巫鬼喪葬多尚佛

老

臨安縣志俗重遷徙數十世不忍析居故著姓較他邑

獨蕃山多田少鮮巨富祇竭力農桑以給公輸乏珍

產無竒技淫巧婦女繅絲北工於南商賈貿茶南多

於北

於潛縣

邵文炳袁繡堂記俗儉而質民勁而武難服而易化愛

敬而不忘

於潛縣志男務耕桑女務紡織治生之勤踰天下山多

田狹賦稅不及省會大縣十一樸魯尚質務本寡訟

篤信巫鬼喪葬多用佛老

新城縣

方廉縣志序新城爲縣僻處山間地瘠而產薄俗嗇而用儉敦厚樸茂之風未始或泯山居野處不競紛華男耕女織不習浮曠君子以儉小人以嗇

萬歷杭州府志訟簡民安閭閻之樂可想見也

新城縣志草萊盡闢機杼聲聞有淳厚之風士民冠服布素禮汰繁文仕則廉謹持法不苟狗榮祿

昌化縣

陳居仁縣學記僻在巖谷務本力田教明俗化俊秀詣出衣冠相望

錢鉞譙樓記民樸以茂恒事耕作樵採以自食其力少

爭鬪訟訐

萬歷杭州府志刀耕火種力殫於山菑畬刈穫力盡於地楮漆薪炭貨殖於商勤生嗇用視棄一錢如拱璧家延經師爭自磨淬章縫之盛倍於往昔民有疾輒巫禱故知醫者少

昌化縣志環山而處敦土爲安俗尚淳龐多至性

杭州府志冠禮男子年十六筮吉日選賓饌告諸家廟三加訓戒女子于歸日母爲之加笄重昏媾也昏禮士大夫家以門第相尚謀諸媒氏通東問名佐以簪珥綵幣謂之傳紅彼此持帖往還又謂之拜望次行納采成尚豐美又次納徵復以羊酒果餌相餽謂之加笄婚期尚行親迎古禮間用綵轎華燈鼓吹前導迎至中堂婿婦行交拜禮合卺後盛服出拜翁姑次及尊長至閭巷細民多從簡約喪禮始卒男免女

墓分計受哈親朋多致賻奠猶存古意七日一祭好
作佛事墓時靈輻前陳列方相銘旌導以鼓吹仙梵
墓所親友執紼畢集合筵始歸閱三日展祭新阡謂
之覆墓祭重生辰諱日牲牲酒醴備極豐潔清明各
携穀核香燭親詣封塋展拜酌酒焚楮十月掃墓亦
如之立夏祭先薦陳時物較他府為獨重至歲時伏
臘或祭於家或祭宗祠豐儉不
一皆藉是以展追遠之敬也

夢梁錄元旦士大夫交相賀細民男女亦
鮮衣徃來拜節遊玩琳宮梵宇竟日不絕

西湖遊覽志正月朔為椒柏酒以待親戚隣里以春
餅為上供養栗炭於堂中謂之旺相貼青龍於左壁
謂之行春插芝蔴梗於簷頭謂之節節高簽柏枝於
柿餅以大柿承之謂之百事大吉自此少年遊冶翩
翩徵逐至十八日收燈然後學子
攻書工人返肆農商各執其業

杭州府志元宵前後五夜張燈通衢委巷懸額綴綵
皆以錦緞綠繡為之如入萬花谷中終夕鼓吹不絕
鄉村婦女於十五夜召朋姑
以卜一歲吉凶并蠶田豐歉

梁錄二月朔中和節民間以青囊盛百穀瓜果子
互相遺送為獻生子花朝都人往錢塘門外至玉
堂古柳林雲洞嘉會門外包家山張太尉園
玩賞奇花異木包山桃開如錦障極可愛

杭州府志二月花朝以往士女爭先出郊謂之探春
畫舫輕舟櫛比鱗集先南屏次放生池湖心亭岳王
墳盧舍菴後入西陵橋放鶴亭此來臯亭山劉墳
村每當春日桃花盛放一望如錦遊人多問津焉

武林舊事清明人家上冢南北兩山間車馬紛然而
野祭者尤多如大昭慶九曲等處婦人澹粧素衣提
携兒女酒壺穀核村店山家分餞
遊息至暮則花柳土宜隨車而歸

錢塘縣志上巳出遊

海寧縣志四月立夏日以諸果品雜
置茗椀親隣彼此餽送名曰七家茶

西湖遊覽志四月八日俗傳為釋迦佛生辰僧尼各
建龍華會以小盆坐銅佛浸以糖水覆以花亭鏡鼓
迎徃富家以小杓澆佛
提唱偈誦布施財物

昌化縣志四月八日寺僧以棟葉

染米作烏飯供佛或分送僧越

夢梁錄端午日家買桃柳葵榴蒲艾并市菱糗五色

水團時果五色瘟紙當門供養佩赤靈符采百草製

辟邪

杭州府志端午祀神享先畢各至河干湖上以觀競

渡龍舟多至數十艘岸上人如蟻近日半山龍舟爭

盛俱於朔日奔赴遊

人雜沓不減湖中

西湖遊覽志七夕市中以土木雕

塑孩兒衣以綵服號為摩睺羅

夢梁錄七夕女郎望月瞻斗列拜次乞巧於牛女或

取小蜘蛛以金銀盒盛之次早觀其網絲圓正名曰

得巧中秋登樓臨軒

酌酒高歌為竟夕歡

元和郡縣志江濤常以月十日二十五日最小三日

十八日極大每年八月十八日數百里士女共觀舟

人漁子沂濤觸

浪謂之弄潮

西湖遊覽志九日以蘇子微漬梅酒

和蔗霜梨橙玉榴小顆名曰春蘭秋菊

夢梁錄九日以五色粉塑成獅蠻以小綵旗簇之以

熟栗為細末入麝香糖蜜和之貴酒玩菊以應節序

武林舊事十月杭人競售錦裝新歷門神桃符鍾馗

嘉興府

嘉興縣 附郭

秀水縣 附郭

葛邲貢院記得江山之助其人秀而文

方輿勝覽土膏沃饒風俗淳秀文賢人物之盛前後相

望百工技藝與蘇杭等

至元嘉禾志罕習軍旅尤慕文儒不憂凍餒頗勤農務
楊維禎聚柱軒記秀在宋爲文物之邦至今士多興於
學處塵者亦類皆鴻生碩彥

宏治嘉興府志嘉禾之俗終歲勤動餉給於國而尺寸
之士必耕衣被他郡而機杼之聲不絕士人好文而
崇學衣冠文物煥然可觀

萬曆嘉興府志春秋時構李當吳越之交自越王甲粢
乙黍丙菽丁粟非夫人之織不衣而農桑重吳王鑄
山煮海而鹽鐵重務本節用寔以富强

萬曆嘉興府志聲名文物冠裳濟濟逶迤揖讓無少惰
容秉禮之家不踰矩矱

蕭子鵬思樂堂記章甫縫掖之士閭閻秩秩

李貞開烟雨樓賦城郭森羅市廛錯列高門納駟甲第
連雲紅粟流行禮樂孔殷

蔣靜黃田港閘記富商大賈長棧巨舶夷蠙海錯魚鹽
米布之屬輻輳城市居民富饒市邑繁盛

李日華秀水百詠序賦稅日增生齒日盛才傑輩出爲
時名卿第宅宮廬不讓兩京陸無險巖樹藝得食其
膏水無衝激舳舻得以走集

黃洪憲縣志序邑人士多饒秀嫻文章接轍傳圭弁冕

吳越

秀水縣志秀邑人士斤斤自好以孝弟力田為本務

嘉善縣

錢福水利成功碑記嘉善膏腴之壤平鋪如席無高山

大澤賦稅戶田最為繁盛

宏治嘉興府志士慕文儒沃土腴壤民不勸而耕樂從

乎上視他邑固易易也然而信巫鬼崇異教豈舊習

未革歟

胡潔表賢錄序邑之俊造皆師古好學其民淳樸易治

章士雅縣志序人文鬱勃風氣淳龐土沃而民饒

莫大勲儒學序魏塘忠孝節義甲於嘉禾理學科名聲

高東國麟麟炳炳自昔攸聞謂非教育涵養者深歟

姚宏謨築城碑記樂田畝重興作


海鹽縣

李正民儒學記海鹽地形高仰潮汐之至非有山谷隄

防而人居以安其土黃壤其井泉甘魚鹽之利既溥

又溝洫之水不可瀦畜故民皆服田力穡利於早熟

亦各世守其業地既斗絕一隅舟楫人跡罕至無奇



貨異產動其耳目故能安習而不遷

李棐小學記里巷間絃誦之聲相接

許氏貽謀男勝耕悉課農圃女勝機悉課蠶織

弘治嘉興府志海鹽素習魚鹽之利俗樸而好文儉而

知義安土而不樂商賈士大夫喪葬率用古禮閭閻

多化之

海鹽縣志鹽邑斥鹵民率煮海爲鹽田圃之間所產者

禾麥麻臬而已其他多資之旁邑易之商旅

石門縣

沈括儒學記稻蟹之利轉徙數州

朱德潤鄉賢祠記士美民秀夙稱多賢

貝瓊西郭生傳俗質而尚文

陳履縣志序崇故良邑以易治稱

陳允堅學田記禦兒故稱饒庶

石門縣志石邑接壤杭湖士大夫尚文學習禮義然射

利近華信鬼重巫習未盡革也至重桑麻勤稼穡民

多淳樸

平湖縣

宏治嘉興府志平湖多秀民天性巧慧重文學尚氣節

其居田野者夫耕婦織最爲勤苦然信巫鬼重淫祀

習奢侈挾智鬪訟者徃徃有之年來文教漸盛而風俗亦漸移易矣

朱維熊義學碑記湖邑大海迴環生其地者多鍾九峰三泖之秀以故名臣輩出科名甲七邑

平湖縣志邑既僻處東偏工作無他技巧泉多於桑布浮於帛士大夫家勤女工猶什之七

平湖縣志其境僻無叢奸其習樸無贏貨其去鄉重其射利愜故男不逋畝女不下機

桐鄉縣

至元嘉禾志兼并好勝挾持善鬪楚越之舊染

莫光朝青鎮徙役記青鎮介湖秀之間水陸輻輳生齒

日繁富家大姓甲於浙右

宏治嘉興府志俗務農而習樸高原樹桑麻下隰種禾

麥尺寸無曠者

桐鄉縣志桐處古吳越之疆泰伯遜讓之遺風夏禹勤

儉之遺習漸漬既久兼而有之

至元嘉禾志冠禮男子十六始冠亦有昏而冠者女子于歸乃笄聚族張筵几冠笄皆炊大饘餽遺親里始諱其名而字之昏禮納采納徵委禽親迎多遵古道喪禮始卒以六輪經辨生宵所忌曰批書男免女髮斂用綿及帛斂畢設銘旌賓始弔每七作佛事七七謝孝衰服拜其門葬日姻友至墓所餞祭具方相器銘旌梵音交雜流響葬後三日子孫至墓所日覆墓

萬歷嘉興府志元旦整衣冠焚香拜天地祀宗祖男
 女聚拜飲椒柏酒親朋互相投刺曰賀節人日女子
 上綵勝於祖父母元夕前鄉人束芻於木末燎以祈
 年日燒田蠶城中揭燈於竿鼓吹遊行日迎燈清明
 挂紙錢於墓立夏以百草芽揉粉為餠相餽遺端午
 艾旗蒲劍懸於門飲菖歎酒七夕瓜果雜陳日乞巧
 八月望以百果為大餅名月餅以百果和糖名俸糖
 賞月達曙九日造栗糕插菊花十月朔祀祖先掃墓
 冬至合祀宗祠臘月鄉人以朱墨塗面跳舞於市行
 吉儺禮除夕易門神桃符寫春帖井磴俱封爆竹燔
 柴設酒殺聚飲鑼
 鼓徹夜謂之守歲
 海鹽縣圖經元宵先結錦綺為竹棚夜
 放火樹縱遊人觀燈遠近百里畢集
 桐鄉縣志三月三日農家婦女出
 避於外日遊青晚食螺蛳日挑青
 嘉興縣志八月朔食鰻魚八月二十四
 日葭生日除夕燔柴於門外巨燒火爐
 嘉善縣志孟冬朔日
 食米團日開爐節

海鹽縣圖經除夕家置炒葦米
 元旦且食且祈日攀投湊投

湖州府

烏程縣 附郭

歸安縣 附郭

杜氏通典永嘉之後衣冠萃止文藝儒術斯之為盛雖
 閭閻賤品處力役之際吟咏不輟蓋因顏謝徐鮑之

風扇焉

蘇軾墨妙亭記吳興民足魚稻菱蒲之利寡求而不爭
 張方平府學記吳興山水發秀人文自江左而後清流

美士餘風遺韻相續

王十朋湖州謁廟文湖學之盛東南鮮倫風似鄒魯民

李直方白蘋亭記其人壽其風信實

張世昌崇順菴記由吳興而東皆平川沃野其俗敦龐

勤儉故治業易滋養生送終得以盡心而無憾有古

之遺風焉

程郁新復青塘隄岍記民淳俗厚政化易施

李心傳南林報國寺記烏程之南林耕桑之富甲於浙

右土潤而物豐民信而俗阜行商坐賈之所萃

趙孟頫吳興賦家有詩書之聲戶習廉耻之道

商輅湖州府學記土田膏腴居室庶饒學校人才之盛

稱於歷代

楊慎跋峴山圖地則秔稻交疇里實桑榆蔭道

趙時春送張湖州序地腴而民質傭租易給

王穉登喜留亭記其產多蠶桑竹木魚稻果蔬之利俗

號殷富

茅瑞徵吳興掌故序吳興風俗最近古樸其士人雅稱

率素潤達而峭直其里閭力本務穡惟斤斤以勤儉

長子孫無敢傲康以墮先業

西吳枝乘湖民力本射利計無不悉尺寸之隄必樹之

功參折工通志

卷九十九 風俗上

桑環堵之隙必課以蔬富者田連阡陌桑麻萬頃而別墅山莊求竹木之勝無有也

吳興掌故會集止以契潤慶弔不爲戲游飲謔陸博棊奕鮮所藏設

范應期縣學記炳靈發祥代鍾名哲詩書弦誦等於齊魯魏科廡仕甲於旁邑

烏程縣志俗樸風恬恂恂儒雅婚媾論財雖士大夫不免衣服飲食向多野樸布衣之外間以綢絹不尚綺飾上十區之民多貧下十三區之民稍富田之厚薄分而所入亦殊焉

歸安縣志儀雅而周以巽語剽而輕以浮

歸安縣志東鄉業織南鄉業桑菱蓄魚西鄉業薪竹北鄉業蔬靛

長興縣

史巖之進士題名碑吳興士風之盛甲於浙西而長城親旁邑爲尤盛士由科第奮興肩背相望

劉燾進士題名碑記水逶迤而清深山連屬而秀拔人才之生是以似之

楊維禎韓侯去思碑地臨奧區農多艱食其土俗浮些好盤遊喜氣勢競許訟

熊明遇箬溪書院記天目茗水之間鄒魯之風在焉

長興縣志山水雄壯故人多尚氣士習較郡中差為淳

樸

德清縣

蔡汝楠贈郝令序德清本山水之邑山鄉多樵蘇泉壑

之利處水鄉者引水灌溉輒成腴田其民饒樂久遠

金明時熊侯去思碑記邑介山澤之間俗瘠而役煩

許孚遠縣學記德清山川清麗民俗淳簡為之士者有

敦樸謹愿之風焉

德清縣志冠婚喪祭悉敦禮讓議姻則嚴氏族舉葬則

急塋兆故立葬社以周貧行多婚於凶歲皆事之近

古者

武康縣

桂華鄉賢祠記武康邑小地偏不邇商賈貨利故其民

性愿而近道習醇而敏於為善

武康縣志務農桑而無曠土樂敦樸而無頑民所事山

蠶藁有郊俗之遺

安吉州

劉希仁縣令題名記鄞南賦繁事劇尤為難治人十舉

蔡汝楠州志序吳下文盛淳風久漓州之山中尚不失

敦龐古始之意

吳瓏明倫堂記吳興文明上郡獨安吉為州而人士舉業且蔚乎紛郁矣

安吉州志其土瘠薄故鮮富室罕積聚其小民不出境事商賈不習工藝故多貧婦尚貞節郊外絕無遊女婚娶不親迎居喪不按家禮病不醫藥多事禱禳

黃朝選縣治記林篁僻遠易服難馴

孫在豐楊侯建學詩序人士大都視聽閒靜未嘗馳騫聲華代有雋望

孝豐縣志東地沃而侈近浮西地瘠而鄙且險好鬼而

務許尚詐而蔑禮近則壽考相望儒業頓起宮室率務堅樸無雕刻聖黜之飾男婦服制不常夏則衣苧

冬則木棉儉素之風居多富家燕飲多事豐腆山村儉樸有汗樽杯飲之風

吳興掌故湖族婚時遇暮夜親知家各助以燈燭有親喪者贈奠之禮舉不敢受云不敢以親累及人喪葬送者雲集其費一出於親知所辦隨其力之大小以邀送客終制之日出外服素青服而家居素服若心喪者過三年方通用吉服

吳興掌故元旦家具糕勝香燭供三正堂三日或至半月祀門戶神甚謹不敢以家鬼先之

孝豐縣志社日各村率一二十人為一社屠牲釀酒焚香張樂以祀土穀之神謂之春福

風俗上

七

烏程縣志三月三日士女皆摘蓬葉插於頭諺云蓬
開先日早戴了春不老四月立夏家多祀竈以火德
王也時蠶已三眠稍葉者三日後任從採摘梅雨農
家賴以種田俗名燒鴨汁其時有雷則多魚無雷謂
之啞黃梅立冬日以野菊花金銀花
茄根薑幹之類煎湯沐浴謂之掃疥

西吳里語清明居民各埭彩舟於溪上為競渡
謂宜田蠶始於寒食至清明日而止謂之水嬉
西吳枝乘吳興以四月為蠶月凡官府勾攝
徵收及里閭往來慶弔皆罷不行謂之蠶禁
歸安縣志四月八日以
棟葉米啖青精飯

吳興掌故七月望日盛為蘭盆會好事者浮水燈為
水陸會常以膏泛粥事神祀禮重十月朔墓祭與清
明畧同霜露感情不
能自巳丁卯
西吳里語各村歲晚以竹葉雜他草木束炬
與火燃之名日照川蠶謂宜耕種育蠶二事

寧波府

鄞縣 附郭

陸士龍答車茂安書火耕水種不煩人力舉肺成雲下
肺成雨官無逋滯之征民無飢乏之慮衣食常充倉
庫恒實榮辱既明禮節甚備為治甚簡為民亦易

三國志注會稽典錄山有金木鳥獸之般水有魚鹽珠
蚌之錯海嶽精液善生俊異

隋書地理志川澤沃衍風俗澄清海陸珍異所聚人雜
五方俗類京口

王應麟七觀世族蟬聯重圭累組庠聲序音洋洋鄒魯
雀猶上齒少長有序俎豆秩秩章逢楚楚

錢彥遠衙司部目序田瘠且隘蠶廳錯出

王應麟鄞縣學記詩書之鄉禮節恭謹縣之子弟夙以
衣冠鼎盛

延祐四明志浙東七州明爲阨塞戶版物產清風舊德
與昔之高閭巨闕屬於宅里者猶可考也

陸深棟塘翁傳鄞甬之東山水清嘉人喜種植務農功
嘉靖寧波府志樸茂醇實農勤於耕女勤於織商賈鬻
魚鹽工供日用絕無四方奇袤之習男女皆衣布素
卽高貲厚藏不曳綺紈冠婚一從簡樸僅取成禮賓
至則擷蔬炊糲以爲餉隣里不相侵竊外戶闢而不

扃扃不夜吠捕吏不入於鄉雖王化所薰大都其習
然也青衿之士亦皆甘於菲陋不羞韋葛昏旦閉戶
讀書絕鮮他營五邑大抵皆同

嘉靖寧波府志鄞之風散緩其俗迂濶而善妬慈之風
矯厲其俗尚文而善黨奉之風鷲健其俗負氣而矜
高定之風脆弱其俗習勞而寡營象之風樸直其俗
好競而服義

李璜府學記人才英拔比他郡爲甲後進縫掖徃徃水
玉秀整廉利好學

陸世科義倉記鄞邑介處海濱風俗近古四民各食其

鄞縣志神禹東狩及於會稽而鄞屬在封內被聖人過
化之澤既而無餘建服胄衍神明歷商周之際漸被
聲教句踐崛興事鉤盾驅長鬣力爭於上國而民遂
感憤赴敵不耻鬪力風尚少變焉

慈谿縣

王安石縣學記慈谿小邑無珍產淫貨以來四方游販
之民田桑之美有以自足無水旱之憂也無游販之
民故其俗一而不雜有以自足故人慎刑而易治而
吾所見其邑之士亦多茂美之才易成也

楊守勤潘侯去思碑慈濱海而遙負山崦剌四民僅僅
守常業無他營士大夫彬彬相率以禮義以故無桀
點梗化之患

顏鯨杜白二湖碑記慈彈丸邑也厥土塗泥宜秔稻種
種之饒三農九穀水泉是資其東西南表裏江河去
海未遠借潮汐便利往往股引白給

寧波府志唐房琯建縣取漢董黯孝養之蹟爲名蓋立
教以孝云嗣後張無擇孫之翰繼之稱三孝鄉宋治
平中得杜醇爲學者師士皆興起道義建炎南渡衣
冠氏族多卜居焉慶元以來慈湖楊簡得象山之學

東傳
卷九十九
又有文潔黃震宋朱子之傳以訓迪後人人益敦倫
尚行知廉耻而畏清議名師先達惻惻相將忘其貴
勢與里黨相齒讓絕無侵漁暴橫之風儒生率儉約
自守小民以耕織爲事雖風氣固然亦物力有所制
也

慈谿縣志其士子往往以德業淬厲底於成材衣冠文
物雍容典雅尊德樂義有士君子之風百姓止納稅
糧橫差暴斂一無所干鄉村之人至老不識城市

奉化縣

樓鑰縣學記六邑奉化爲望秀士尤多

陳造縣丞廳壁記奉化民夥事叢號不易治

陳著縣學記尚氣而畏法好義而知分詩書禮義之澤
一變可以近古

王應麟縣治記其俗純如其士份如

戴表元于伯顏去思碑記奉之爲州山竦而水迅疎故
土居者清勤力業而少餘貲迅故仕遊者情悅外顧
而無留心

張時徹城垣碑記性雖易抵冒好鬪訟然皆狎於耕桑
守在四境

嘉靖寧波府志奉化地不夷行兼藝山坡海涵以食而

民常勞水不涸滄外方境內之物不得轉輸而民常
嗇

奉化縣志主狹民稠日以墾闢為事仰事俯育僅僅無
餘入窘於財亦憚於為非富家大族皆訓子弟以詩
書故其俗以儒素相先來務驕奢瀕海小民業網罟
舟楫之利出沒波濤變化如神習使然也

鎮海縣

吳敦復縣治碑記漁鹽之聚土瘠民貧

王應麟儒學大成殿記挹秀涵清俊人魁士含章挺出
王存之鎮海縣碑記居山者以耕鑿為生瀕海者以漁

鹽為業

至震岱山書院記士生其間往往多鍾山海碩大之氣
陶恭縣治形勝賦其氣善柔其文郁郁彬彬迄今龍翔
鳳舉後先相望

嘉靖寧波府志濱海斥鹵其土瘠其俗甘勤苦務織作
溫柔敬愛有古遺風

何愈貢舉題名碑記環海而邑扶輿清淑之氣孕靈毓
秀賢哲之士生於其間者蘊蓄為道德彪炳為文章
樹立為勲業千百年來蓋屢有聞也

象山縣

嘉靖寧波府志民多剛勁而質直利魚鹽務稼穡樂於
家居憚於遠出

吳學周縣志序碩儒名德彬彬輩出衣冠文物之鄉
舊浙江通志大抵五邑之民樵山漁海衣食自足惟緣
海之地兵民雜處禮讓文學不無少衰矣

象山縣志俗儉而民易治事簡而賦易供黔首守畝
跬步不出里巷婦人耻入市即窮檐陋室未嘗望見
顏色士尚切偲鮮欺傲鄉薦紳班荆問舊未嘗以驕
貴聞里中服食恬素不御綺縠吉凶從有無婚嫁嚴
良賤其貧與富弗計也

定海縣

吳萊甬東山水古蹟記昌國人家頗居篁竹蘆葦間或
散在沙壤非舟不相往來田種少類入海中捕魚鱸
蚌蛇母禪塗傑步腥涎藪味逆人鼻口穢或仰穀他

郡

胡宗憲舟山議五穀之饒魚鹽之利可以食數萬家

定海縣志其民自讀書服賈外大半以力田樵採爲業
凡居服飲食婚喪宴會以及享祀伏臘悉尚省節蓋
力勤而用儉比戶皆然

寧波府志冠禮男子年十六擇吉日告廟始冠亦有
及婚而冠者三加請戒之禮習俗久畧女子則當嫁

時加笄焉婚禮士大夫家締姻多重門第先憑媒約
通東將幣如古問名禮至納采納徵俱崇儉約不以
金幣相炫女家具奩亦不以純綺珠玉相耀親迎後
翌日出拜姑嬭獻以女紅榛栗其風猶古喪則始卒
及含殮多遵文公家禮或五日或七日服成受弔宗
黨姻友各以香楮申奠俗好浮屠每七必作佛事葬
用石槨貧者用磚三日展祭新塋標插紙錢祭祀特
重宗祠春秋二分冬夏二至在祠合享清明及十月
朔則祭於墓祭畢共飲餽餘其歲時令節
各祭於家行三獻禮豐儉則稱其有無云
嘉靖寧波府志元日設香楮陳果醴祀神祇宗祖序
拜尊長畢出拜宗戚隣里謂之賀歲里社祈年元宵
各坊鄉之民集眾祀里祠設醮誦經祈福境內各雨
水會清明各家為青糝黑飯牲醴祭墓封土插竹挂
紙錢於顛立夏炊五色米為立夏飯端午為角黍駱
駝蹄糕祀其先親戚各相饋遺三伏寺廟皆設醮婦
女走禮神佛八月各鄉祠廟為會祀神以龍舟競渡
謂之報賽與各處端午競渡不同九月在城各坊
奠祠廟神像游行街市導以兵仗綵亭金
鼓雜劇各相競賽觀者塞路謂之社夥

象山縣志元宵四街各設竹棚綵幃懸燈其上或以火葯為錦樹之戲至十八日乃止

定海縣志人家多以八月十六日為中秋中庭陳設酒饌賞玩達曙

象山縣志重陽士人登高燕賞以茱萸泛酒各家製牡丹糕方粽親戚轉相餽遺

象山縣志歲除換桃符寫春帖易門神謂之從新製辛盤燃爆竹蒸蒼朮辟瘟謂之辟邪

紹興府

山陰縣 附郭

會稽縣 附郭

越絕書性脆而愚見清知濁見曲知直

越絕書春祭三江秋祭五湖大越海濱之民獨以烏田

史記貨殖傳楚越之地地廣人稀飯稻羹魚或火耕而

水耨果有贏蛤不待買而足地勢饒食無饑饉之患
以故昔窳偷生無積聚而多貧

後漢書第五倫傳會稽俗多淫祀好筮

三國吳志忠臣繫踵孝子連問

晉書地理志其民循循

宋史地理志商賈工作皆著本業

嘉泰會稽志建炎初嘗駐蹕於越山川之所形見風化
之所漸被其儒風士業流聞彰布益以昌大非餘郡
可比

嘉泰會稽志登秦望探禹穴其委蛇盤礴之觀溫厚粹

美之氣鍾靈孕秀雲行川流胚胎醞釀發為英傑好
學篤志尊師擇友絃誦比屋相聞不事奢靡士大夫
家占產甚薄縮衣節食以足伏臘重離別篤交親迎
則聚問濶送則惜睽異豆觴迭進往往竟日

寶慶會稽續志越州物產之饒魚鹽之富實為浙右奧

區

余闕均役記越地無甚貧甚富之家山谷之間有一夫
而居十畝之田者祖宗相保至累世不失又其土瘠
民貧小人勤身而飭力其君子尚樸儉而敦詩書

韓性儒學碑記會稽儒風之盛冠於東州

徐渭贈潘公序嫁女者以富厚相高歸之日擔負舟載
絡繹水陸之途繡袂冒箱笥如鱗往往傾竭其家

於越新編膏壤沃土民物廣饒

紹興府志謹祭祀力本重農下至蓬戶恥不以詩書訓

其子自商賈鮮不通章句與隸亦多識字家矜譜系

推門第品次甲乙婦女無交游雖世姻竟不識面不

鬻男女於境外大家女恥再醮大抵於俗為美也

山陰縣志其男女屏浮靡不事嚴內外以禮貞烈之行

史不絕書

會稽縣志民有四耕耨而誦其業絲布其服魚鹽與稻

果菰而贏蛤其食也

蕭山縣

王禕棣萼軒詩序蕭山為縣地偏而俗尚質

田惟祐縣志序江海襟帶湖山奇勝風物之阜厚才士

之德望甲於諸邑

陳敬宗科甲題名記蕭山山水之秀會聚英華鍾靈賢

才其碩德雅望英聲偉烈表表在人耳目者前後相

望人物之盛習為風俗男女有別而耕織惟勤絃誦

相聞而文風益振宦遊如楊龜山以道化倡於前游

定夫以德教闡於後羅豫章講道既去而李延平復

來延平之去未久而朱子提舉浙東又至人才之造就良亦有所自矣

李遇春縣志序山川之秀鍾為人物如鍾離意操行絕

高張孝伯參謀大政朱憲使獨持風裁魏文靖德望

尊重如此者實多高名美譽膾炙人口

紹興府志西鄉稍尚緝禮東鄉乃近樸願善議論或信

田浮說

蕭山縣志民以耕讀為事士以氣節相高

諸暨縣

商輅廟學記山川清淑士生其間偉然秀出

蕭鳴鳳廳事記諸暨地阻而俗美田於湖山之閒灌溉

甚艱故歲無常稔

紹興府志有陂池灌溉之利絲布魚鹽之饒其商賈工

作皆習簡樸不事華麗

諸暨縣志民性質直而近古好鬪而易解力稼不事浮

費科第間出一二人輒能侃侃自持

費餘姚縣

貝瓊北山書屋記姚江邑居野墅井然棊布重華文命

之德猶在於人

貝瓊復古堂記餘姚山石林木皆古民務本而不爭多

其至百歲往來阡陌熙熙然如無懷葛天之徒風俗古矣

嘉靖餘姚縣志其民知恥好修善讓儉而不陋華而不費勤而不置質而不俚其思深其慮遠非有虞氏之遺風其能若是

嘉靖餘姚縣志其人敏柔而慧尊吏畏威其教易成占產至薄縮衣節食以卒伏臘輸賦以時其政易敷地多山林湖陂小江大海魚鹽材木之利頗饒其民易足無瓌奇之產以來四方之游販其民一而不雜

餘姚縣志餘姚愈貧寒者愈兀傲自矜士大夫類有節概然亦往往恃氣不相能其服食視諸邑為奢


餘姚縣志民知禮讓士風大振君子以讀書為本業小人以技藝為耕作

上虞縣

葛桷縣志序上虞山水形勝不後於他邦所產人物忠義盈朝節孝連閭非偶然也

郭楠縣志序俗尚淳古素親耕讀猶有舜禹遺風紹興府志居會稽餘姚之間地狹而好矜名類能飭廉隅篤孝讓然喜生事意氣多發揚少含蓄

上虞縣志尚節義而恥習漓澆君子好文學邱民理穡



事

嵯縣

王洪鄉賢祠記 山川鍾靈名賢輩出

紹興府志 嵯與新昌本一邑在萬山中其士子知好學
砥行嵯尤近質不浮不作無益

俗鄙陋

新昌縣

王畿甲科題名記 溪山瓌麗似樸而文

呂光洵縣志序 新昌邑台剡之間地瘠民儉其財賦不

會稽縣志正月十四日用巫人以牲醴祀白虎之神祭畢以紅綠線釘畫虎於門謂之遣白虎

文帳祭畢以珠絲懸柱畫氣城門雷文鼓白烈
會館縣志五民十四日俱巫人以焚香

足以當上邑之十二獨其俗淳厚先民之流風善政
猶有存焉

新昌縣志以讀書尚禮為美事不遺行商不尚華麗無
淫亂之風然好歌舞明法律以繩人

紹興府志男子年十六以上告廟行冠禮多於冬至
或元旦婚必擇門第多士大夫為媒六禮遵古制親
迎雜用踏躑牽紅傳席合香諸儀即日拜翁姑以次
及家眾三朝廟見張綺席合飲宗戚喪大率用家禮
惟不行小飲不用布絞其墳塋多砌磚為槨家饒者
乃以石既卒哭各置經更用細麻布服出謝弔客祭
以酒時或用四竹分至日或元旦瑞陽中元冬至
忌日必素服祭終身不廢清明及十月有墓祭
嘉奉會稽志元旦男女夙興家主設酒果以奠男女
序拜竣乃盛服詣親屬賀設酒食相款曰歲假比五
日乃畢立春先一日郡邑官寮畢出迎春東郊通衢
遊觀相飲樂至期用巫祝禱祠謂之作春亦曰燒春

元宵前二後三女比戶接竹棚懸燈朱門華屋出奇
 炫華豪奢相矜社日鄉有社祭三月二十八日俗傳
 東嶽誕辰蕭之象山餘之黃山皆有廟焉男女競往
 燒香羅拜大姓皆樓船載簫鼓鳴榔遊飲姚人謂之
 游江端午日以角黍相餽遺設蒲觴磨雄黃飲之
 子以蘭作虎小兒則綵繩繫臂綴繡符簪艾葉採藥
 鍊丹者率以是日夏至祀先以麩蕭山各供茶口夏
 至茶六月六日觀荷亦乘畫舫多集於梅山本覺寺
 同時又游容山項里六峯觀楊梅八月十八日蕭山
 有觀潮之會重陽登高蒸米作五色糕佩萸泛菊府
 城剪綵旗供小兒嬉戲諸暨飲茱萸酒必配以豆莢
 是日俗忌不相過必有喪者乃往哭且致祭焉不知
 所始越中當三夏旱甚時有迎龍之賽不齋虔祈禱
 惟飾優伶及小戶少年為諸神佛怪異或扮故事
 紹興府志諸暨元宵士女出觀燈名過橋謂可免一
 歲疾厄新昌街市張燈謂之歡門二月二日始開西
 園縱郡人遊觀謂之開龍口指卧龍山也新昌立夏
 則炙昌魚蕪菜除夕聚雜柴蕪於庭古謂之火山今
 日笙盆光焰燭天爆竹
 縣博之聲相聞不絕

以幽操正行有聞當世晉唐之際節概文章之士亦

班班見典籍

吳時來志學書院記成宏間人才最盛其存立皆足表
 表於世其登科者歲至七八人與浙以東相雄長

王士昌平圖記上瘠人窳然其先多賢俗尚忠孝喜廉
 讓無豪暴欺詐故浙中稱樂郊

臨海縣志臨海山川峭厲人皆秉性堅貞百姓務本力

農無興販境外素封家惟積粟菽相麻以資饒足仕
 者侃侃立朝以言利為恥

黃巖縣

晉書地理志氣躁性輕好佛信鬼

王士琦明倫堂記扶輿磅礴氣日益久士日益奮家詩

書而戶絃誦

黃巖縣志其民秀而敏人人殊異皆以文藝相應有鄒

魯風

王士琦天台縣

車若水平價倉記天台邑治去江百里米舶無至而為

閩甌入京孔道往來屏履增饗其間市井貴羅扇及

村落數日辛勤之備不啻一飽

孟夢恂縣學記天台為邑山蘊水融民淳物茂前修之

勅修浙江通志卷一百

風俗

台州府

臨海縣 附郭

晉書地理志火耕水耨漁獵山樵飲食頗給民無千金

之家

陳公輔台州風俗記台介東南之陬里無貴游百姓樂

業但食魚稻習樵獵而不識官府之嚴

洪适通判廳記壤僻民愚牒訴簡少輸調有常

赤城志台士皆激昂奮厲以禮義廉恥為先以行檢名

節爲貴民皆質直愿慤以耕鑿芻蕘爲生以安土重
遷爲業非貧困無聊不肯自墮於商販胥徒之役

赤城志州負山瀕海沃土少而瘠地多民生其間轉側
以謀衣食才壤以土未有萊而不耕者也鄉戶不足
於財而有餘於行其真樸敦厚里黨多化焉

胡榮文廟記地應上台土秀而文質均

王士琦平賦碑記浙以東瀕海諸郡利饒魚鹽商舶輳
集民逐什一而擁厚貲獨台途錯孔道無末業而鮮

蓋藏

金賁亭台學源流序台古荒域歷漢及吳二三君子始

典型具存文華之穎發踵進

赤城新志天台以山水擅名域內隋梁間多樓仙釋故
有洞天福地之說及晉唐來俗尙詩書人敦孝弟而
人文漸蒸起矣

天台縣志土瘠民貧室廬儉素人不習工巧匠作器皿
多取給他處魚鹽山海之利皆異郡專之惟坐肆售
貨覓什一之利朝貴還城不乘車馬深山窮谷穉子
皆知讀書牧豎樵夫亦識字守分者多抗法者少

仙居縣

赤城新志仙居枕山趾海雖若蠶叢其風俗與首邑不

少異

仙居縣志山川秀美土風樸茂賢士大夫多光明俊偉能世其業卽編戶之民類不能具什一以來尺寸之

贏於四方

寧海縣

吳子良縣學記并聚僻寂迫山海民力耕釣安賦輸產

慳食嗇

陸瑜縣學記名儒輩出甲於他邑

薛三才林公祠碑記寧邑僻居海隅其民執固勇敢士

多穎質

胡獻來胡侯德政碑記緱城故忠節禮義之鄉素稱易

治

金學賢葛氏族譜序其大家多優裕和雅喜學而好文

其小民力業寡求罕爭而鮮訟其俗最爲得文質之

中

寧海縣志男耕女織有勤儉風力本右文無浮靡習故

人家尙清議士矜名節婚嫁擇先門第慶弔罔敢失禮

營室必作家廟燕享以時婦女不出街市此其俗之

美者

太平縣

鮑復泰三台采風詩序風俗敦龐習尚簡質

台州府志連山濱海舟楫不通其地止農漁不習上國

之奢華故其民尤樸茂近古

太平縣志明初地曠人稀土田不過畝一金是時法尙

嚴密縉紳士庶罔敢侈肆衣不過細布土練仕非達

官不得輒用紵絲女子非受封不得長衫束帶居室

無廳事高廣惟式至宣德正統法網漸疎奢侈競起

成化宏治間役輕省費生理滋殖田或畝十金屋有

廳事正德以來貧耗而無高貲鮮所借貸民由是因

台州府志男子年十六以上始冠亦有及婚而冠者此禮惟士族間一行之女臨嫁前數日行笄禮可為

訓戒議婚必憑媒氏納采請期奠雁諸禮悉如古制

惟親迎未行嫁娶日各擇其族之賢者相與迎送以

成媼禮初喪含殮畢即成服開喪姻戚赴弔貧富稱

家有無不用鼓樂頗為近禮葬用石槨親友執紼哀

送不事梵音仙響祭祀大家各有宗祠細民從寢室

設龕四時之祭元旦清明端午中元重九冬至除夕

各以時物為薦子姓享饌餘墓祭或用羊豕或用

牲體各隨其祭田之厚薄而頒胙亦以是為差

台州府志元旦長幼風與拜天地宗祖因相慶賀元

宵張燈五日俗以十四日為重室內皆燃燈婦女行

百步以去病清明採菁草雜米麩為餌謂之寒食家

無貧富必攜酒祭墓且插柳於門或簪之謂之驅香

九孃蓋指蠶蟲云四月八日浮屠於是日浴佛人家

取烏桐葉染飯作青色以相饋謂之送烏飯立夏拭

麩為薄餅裹肉蕪啖之謂之醉夏六月六日各曬衣

與書籍老者食鷄粥謂時極陰以補陽云中秋玩月

酌酒俗以十六日為重猶元宵之重十四也臘月二

十四日掃屋塵謂之除殘星夜祀龍謂送神上天除

夕先期備牲醴祭賽天地是夕祭祖飲

餞餘分歲或燃燈達旦又謂守歲云

金華府

金華縣 附郭

王栢跋八行家傳習尚忠厚公論坦明

宋濂呂東萊祠堂記俗勤耕織士知所學

王一寧送張宗原赴金華序其民淳其訟簡其豐裕雖不及於浙右而易理過之

章懋縣志序男勤生業女事婦工不出閨門鮮積欠踰

牆之行務營田宅無聲色狗馬之好慶生弔死禮尚

往來嫁女婚男擇先門第

金華府志民樸而勤勇決而尚氣族居巖谷不輕去其

土以耕種為生不習工商其富人雅好義喜延儒碩

士愛誦讀歷產名賢魏科執政踵相接也登仕者多

尚風節

蘭谿縣

陳子巒縣學記蘭谿山川朗爽秀拔故其人往往有穆

叔所謂三不朽者

蘭谿縣志蘭谿風俗古今凡幾變宋南遷中原文物之

漸漬諸賢禮樂之講明蔚然為文獻之邦氣習醇厚

此其俗之可取者也但居市者多誇詐處田里者或

粗鄙或輕諾而致訟或論財而鬻女此其俗之未盡

善者也

東陽縣

成化東陽縣志士愛讀書大家子弟無不從師受學有

志者習舉業遲鈍者亦求通章句知禮義之方農知

服業父子力作以耕植為事故衣食恒足婦人女子

深處閨門雖親戚鄰里亦不少接專以紡織為事日

用飲食服飾器具一以簡素為尚不事文飾其聲色

遊燕玩賞花石之樂舉不崇尚有商人尚質之風

隆慶東陽縣志俗居巖谷不輕去其鄉以耕種為生不

習工商富人雅好義舉大姓重門第崇祀諸士人

談性命登仕者多尚風節

義烏縣

隋書地理志風俗澄清道教隆洽

黃中輔忠孝掌記人物風流孝行卓異

劉濟登科題名記俗尚儒雅用於他邑

萬歷義烏縣志男子服耕稼婦女勤織紡商賈鬻魚鹽

工習器械以利民用無滯巧奇袤之物

永康縣

洪垣縣治廳壁記永康舊俗重儉嗇好強辰

張元楨永康縣譙樓記俗故謹厚士民樂業

永康縣志 宋淳熙間先儒晦菴朱子與東萊龍川二先生設講席於五峯洞天永之人士其得沾先賢風教者有由然矣明初承舊俗爲士者多樂田野及成化宏治間文采蔚然倍於往昔正靖隆萬之際不惟掄科擢第比肩林立而議論政事亦往往可觀

永康縣志 永之溪漂悍而衝激易涸而不沉蓄其土重實而剛燥寒淡而礪瘠民生其間遂有勇悍夸詐之習民鮮滌巧工多粗劣持斧鑿者不及雕鏤操機杼者不及錦綺垂針線者不及組繡攻澤飾者不及文章而縣治四境之俗亦復不同東邊東陽南邊枯蒼

西邊武義北邊義烏東陽之俗文其弊也飾枯蒼之俗武其弊也悍武義之俗質其弊也野義烏之俗智其弊也黠

呂祖謙徐公墓記 負山之民氣俗敦慤樂田畝而畏官府邀嬉侈麗之習獨不入其鄉 許謙送遂公平赴武義教序地狹而土肥其民富庶而風俗勁急舊爲東萊講業之地流風餘韻猶有存者 士大夫能道詩書通今古

楊本儒學記 其民剛悍不相下故其俗獷猛號難治

武義縣志男勤生業女工紡織家尚儉樸而安質素無
狗馬踴躍之戲鮮綺繡戴勝之觀無論村落僻塢卽
城市之民無不笠糾饒黍稼穡是事
浦江縣

陳亮縣志序浦江山邑非賓客商賈之所奔輳民生其
間者往往樸茂質實以不欠租賦相尚以不歷公庭
爲常長吏至則相與安樂其俗而已

柳貫明倫堂記介然下邑無名山大澤以發舒其奇無
珍貨絕產以阜通其利民業稼外以儉嗇自全其生
戴良浦陽人物記後序人物之生不一而足以忠孝貞

節著者有之以政事文學顯者有之

宋濂深溪王氏義門碑浦陽葵山邑樸美淳質力農務
本恥於華言僞行而以士自命古者禮義之俗殆不
是過

湯溪縣

外慕
胡森縣學記其俗樸而固其民勞以思襪襖秉耒而無

胡森陳侯弭盜却金記湯樸俗也勤而嗇樹本而滋野
處而不暱其室家保聚樵結之風蕪如也

洪啓睿縣志序其土確其俗麗

湯溪縣志湯溪割四縣邊隅之地為邑故習俗各隨其方如遂昌多强悍蘭谿多澆詐金華多儉嗇龍游多鬪訟湯溪則兼而有之然士好禮讓農務力田不喜牽車服賈以走四方且里不朝歌巷不夜游依然有
古之遺

湯溪縣志家絃戶誦人知自奮登賢書者代不乏人

金華府志冠禮民間鮮行惟士大夫家間行之昏禮士大夫家鮮親迎始至設香燭令師坐咒而撒沙童子羅揖誦詩及夜以紅綵繫而牽之行合巹禮三日廟見後盛服出拜姑嬀次及家衆喪禮沐浴舍襲及殮彷彿文公家禮朝夕奠奠每以七日一舉祭禮至日則宗族親戚相率持香燭哭拜謂之炷香又率用僧道作佛事謂之追薦葬埋富者多用石槨其次用灰隔祭禮士大夫家用西時民間多用俗節近又多

會其族人立大小宗祠因以歲首聚拜祠內謂之合族會

金華府志元旦舉家夙興盛服焚香拜天及懸祖先遺像或祠堂神主率長幼拜之然後尊長輩以次交拜詣族黨親友之門投刺相賀名曰賀歲立春前一曰官率僚屬迎春於東郊春日官祀太歲行鞭春禮碎土牛家設酒餼以祭土神謂之作春福正月十五日夜各家懸燈於門首街衢接竹為棚繫燈其上笙歌鼓樂喧闐徹旦社日四鄉各有社祭以祀十穀之神清明日人家門戶插柳枝少長行賞郊外名曰踏青前後十餘日祭掃先墳四月初八釋迦佛生日為浴佛節俗染烏飯競相饋遺端陽日龍舟競渡男女鬪觀親族相欵民費不貲是日取菟葉裹粘米為角黍相餽置萬蒲雄黃於酒飲之婦女佩符艾或以繭作虎小兒絲繩繫臂綴繡符於衣帶謂可消災採藥合藥者俱以是日為最効七夕女子夜間陳瓜果祭賽乞巧中元素食祀先僧舍作盂蘭盆會或放水燈爛若列星八月十五日家各置酒燕集祭祠廟九日佩黃芝菊蒸米作五色糕士人或具酒榼遊山為登高會冬至設酒餼以祀其先十二月二十四日夜

祀竈品用糖糕人家各拂塵換桃符門神年終親戚互為歲餽交錯於道除日灑掃堂室懸祖先像燔柴於庭燃紙炮以代爆竹相應答響至元宵不絕終夜圍爐集少長歡飲羣坐不寢名曰守歲
〔永康縣志〕元夕張燈街市城中各以會為大燭導以鼓樂昇置神廟最大者或用蠟四五百觔此一郡所無也清明男女上塚祭掃掛紙錢於上謂之標青十二月二十五日謂之年頭禁是日不出財以赤豆和米煮粥曰蠶花粥食之利養蠶也

〔東陽縣志〕社日農家用青麩作果橋葉夾之名曰社果以獻其先乃食夏至凡治田者不論多少必具酒肉祭土穀之神東草立標插諸田間就而祭之謂祭田婆六月六日農家復祀穀神謂之六六福重陽提壺挈榼登高攬勝雨則以十二補之謂之賽重陽

〔義烏縣志〕三月上巳先十餘日沿溪民泛龍舟至是日止俗呼競渡

〔蘭谿縣志〕七月二十四日邑有東嶽廟先期廟祝散紙號至期童男女往廟銷號謂之孩童會

衢州府

西安縣 附郭

漢書地理志地邊楚習於戰鬪

李華刺史廳壁記俗尚文學有古遺風

毛升超覽堂記其君子多亢言而厲行易知而難狎

宏治衢州府志風土樸野民俗醇厚士力學操觚安貧

砥行無越禮犯分告訐狡獪之事尤多師範經師人

師後先輩出故後進人品學問皆有原本極重試事

以低昂為榮辱各樹壇坫爭自濯磨顧惜朋儔矜尚

意氣農能茹苦食貧不輕改業

西安縣志士修禮義俗尚敦樸自漢以來浹洽政化宋南渡後士風益競至今敦行古道雅尚禮文君子重廉恥惜名節小民畏刑憲寡詞訟居市者文而浮處野者質而鄙

西安縣志穀賤民貧恒產所入不足以供賦稅而賈人皆重利致富於是人多馳騫奔走競習為商商日益衆吉凶婚嫁一切隨其豐儉故宕佚簡易無頭會拮据之煩

龍游縣

程俱保安院記其風悍以果其君子耿耿好氣而敏於

事

衢州圖經其俗嗇其民尚氣而誇功

徐伯彪文廟記儒風甲於一郡

商輅縣學記居室富庶人物奇偉

余杰縣城記民庶饒喜商賈士則緝學綴文取仕進

萬廷謙龍游縣志序民靜而安俗樸而儉閭閻不識胥

史幾於標枝野鹿之風

萬歷龍游縣志苦塊之艱不御羞饌數世之忌弗忍舉

董宗黨十世亦周恩意姻戚百年尚相贈遺其叔世

之古道哉

龍游縣志農勤於力田治無隙地工不務淫巧皆能自食其力風俗敦厚婦人少出戶庭澱水以南務耕北尚行商士力學操觚發一第不爲炫耀及謝政還與往時同舍生及布衣交出游如常

龍游縣志賈挾貲以出守爲恒業卽秦晉滇蜀萬里視若比舍故俗有遍地龍游之語

常山縣

楊韓科貢題名記常山衢之名邑自昔號爲文獻鍾山川清淑之氣賢才後先相望

常山縣志地狹民稠人尚勤儉事醫賈趨利尚氣信鬼

神好淫祀宋朱晦菴呂東萊張南軒講學於此故學

者知向方民無終訟婦女不踰閨闈昏嫁尚簡樸

常山縣志其產多聰明俊傑負氣尚志知廉恥謹修飾

江山縣

張斗縣令題名記民樸魯而鯁直

正德江山縣志山峻水駛故士多志尚講究理學地僻土腴故居民饒裕俗尚奢靡

徐文溥縣志序士知向方有古遺風

江山縣志江邑沃壤民殷富人肩摩廬舍鱗次商賈輻

輳

江山縣志士尚氣節厲德行民務稼穡而健於訟向時
其人務本業野無曠土邇來清湖為閩越孔道至有科
來而逐負荷者

程遠縣學記民生山谷無繁華盛麗之見無聲色臭味
之娛男子耕稼婦人蠶織早作暮息勤生安業故其
習多務本其秀民知讀書識道理愛親戚敬賓客睦
鄉里非法之事懼不敢為

胡儼歷科題名記士嗜讀書重名檢登科歷顯他莫
儼

邵驥三達尊記山川環秀風俗醇雅人皆樂善好儒

汪慶伯傅公祠碑記土磽瘠民鮮蓋藏

開化縣志士鍾靈秀工葩藻以凌雲民鮮出疆甘田舍
而肆志其在土著鄉民有不識縣縣民有不識郡者

衢州府志冠禮男子年十六以上始冠父兄擇日告廟以冠之婚禮凡品官婚娶或為子聘婦先遣媒氏通書次遣使及媒行六禮婦至婿家主人饗燕送者明日謁見祖禰次見舅姑行盥饋之禮舅姑饗婦如家人儀喪禮厥明小殮明日大殮遂成服三月而葬遇柔日再虞剛日三虞三虞後卒哭遷主入家廟祭凡品官立祠堂奉高曾祖禰四世之主以四仲之月祭之又有臘日忌辰及掃墓之祭與夫歲時俗節之薦享庶人得祀其祖父母父母

西安縣志元旦味爽具衣冠禮拜天地神祇及祖先賀尊長然後謁拜宗族及過里黨親舊交相謁賀擇

日土墓具酒果挂楮錢元宵街市張燈鼓樂市井家
補竹木為棚懸燈當道更以紙剪走馬諸燈及為龍
燈周行巷陌士民競觀是月也農家以秫米搗為糝
釀酒市肉祭田祖先齋祝有秋清明日往墓培土具
牲醴挂紙錢會族人飲餽餘插柳於門四月八日家
造青精飯相遺謂之烏飯端午懸蒲艾於門泛雄黃
菖蒲酒食餛飩以角黍相遺以綠絲為索繫兒童項
臂曰百歲索以辟邪延壽七夕小兒以五日所繫之
絲索剪之泛以水送置屋上以為鵲橋之渡中元俗
稱鬼節設齋素以祀其先里民集浮屠為盂蘭盆會
亦有夜放河燈者中秋戶邀賓朋置酒賞月秋社報
成與春社同重陽各置酒登高以秫米餽發之雜以
肉果蒸為糕以會賓朋習禮之家前後省墓祭以時
食冬至祀祖先於宗祠長幼咸集以次羅拜拜畢受
胙其外姓不行拜賀之禮惟官師士紳行之十二月
二十四日夜祀竈神謂神以是日上天啓事具糯米
果茶以祀之除夕陳設祖先像易門神桃符
燒火爐放爆竹骨肉團團坐飲謂之守歲

嚴州府

建德縣

附郭

方逢辰新定續志序嚴介萬山之窟土堅而隔上不受

潤下不斥鹵雨則潦霽則槁土淺而源枯其民苦而

耐其俗儉而野其戶富者畝不滿百民僅以山蠶入

帛官兵月廩率取米於鄰郡以給而百姓日糴則取

給於衢婺蘇秀之客舟

余植進士題名記瑰奇特杰之觀瀟灑清絕之氣獨萃

斯邑士氣夙醇文風浸盛方來者尚源源也

新定續志郡人物表表相望大抵尚氣節而輕功名有

子陵之風

太平御覽睦州取俗阜人和內外輯睦為義

嚴陵志山高水深人性貞介君子好禮小人勤生男女

有正性而無淫行

明一統志民貧而嗇多文學之士

宋賢條議嚴絹疏民淳事簡訟少糧完文獻則三元及

第風俗則九世同居從來易治之善地也

建德縣志建邑山多田少磽确者半耕讀之外別無餘

蓄歲或不登借糴他邦食云艱矣戶習詩書家敦仁

讓嫁娶槩從其儉喪葬稱其有無

淳安縣

范鎔勤清堂記地大而民衆訟繁而賦廣

嚴陵志邑名淳安其風非無存者人物彬彬代有其人

淳安縣志土磽產薄民貧俗愿鎮之以無事則易治也

嚴制廬縣

方輿勝覽山嶮土磽蠶桑是務蒸茶割漆以要商賈買

易之利

嚴陵志多居山谷地狹且瘠穀食不足仰給他縣

桐廬縣志君子多輕世而傲物小人多勤生而務本

遂安縣

嚴陵志僻居巖谷附山依水俗尚勤樸少奇衰

遂安縣志嫁尚資高者至破產不計卑者或勒索聘財喪遵家禮服制如儀而崇尚醮事張燈設食飯闌

黎羽士費用不貲服飾尚儉樸近亦稍華焉
嚴陵志俗號輯睦可以無事治不可以多事理

壽昌縣志邑介四山之中地狹而瘠民膏而野舟車不通商賈不行俗儉而易足頗惑於鬼神富豪多以華麗相尚


嚴陵志山多田少水淺戶磽地狹民稠木炭紙茶之利

終歲所入不足以給饗殮三分之一大率貿易販糶仰賴他郡以為生

分水縣志人士雋良多好文雅喜誦讀重功名文武登

雋蟬聯不絕
分水縣志崇奉象教信鬼神

嚴州府志男子既長擇日而冠拜天地祖宗父母三加請戒之禮不行久矣女子于歸始為加笄婚必擇門第相當者以媒通之女家即以女之年庚書帖付之為允嗣方納聘於女家臨娶先數日仍送羹飯禮以便女家告祖娶之日不親迎盛張鼓樂雜用傳席交杯諸儀有即日出拜公姑亦有三朝拜者喪大率用文公家禮惟不行斂不用布絞墓多砌磚為槨不其用浮屠皆於旬日之內舉殯先是受親友賻弔葬畢孝子服麻經踵門謝之祭以忌日終身不廢元旦必拜墓清明日則掃墓中元則祭於家多用蔬食下



元亦有墓祭皆習簡樸不尚華麗

嚴州府志元旦昧爽而興設香燭拜天地祖宗男女成禮畢親友互相賀歲立春前一日縣令迎青帝土牛於東郊散春花撒春豆春米茹春餅糝露臺元宵各張燈結棚放花爆和麪圓薦先更相賀食新婦之家設醴祭床社日各鄉為牲醴祭社神以祈報畢則飲福清明插柳於門寢竈墜人簪柳葉展墓祀祖立夏日煮夏粥亦有饋送者四月八日作烏飯端午包角黍餽節懸艾虎小兒佩壽源道符門貼符篆飲菖蒲雄黃酒六月六日曬衣曝書七夕婦女設祭於庭穿鍼乞巧中元祭享祖先亦有僧作醮口法事者社日各鄉設牲醴迎社神閱苗中秋設尊壘以觀月華燕飲至夜分乃止重陽炊糍餅薦先飲茱萸酒下元展墓冬至祭祖於家廟相見稱賀如元旦禮臘片二十四夜設果送竈儺戲於街除夕懸祖父遺像奉祀饋節懸桃符祀竈骨另團圓而飲坐以守歲

建德縣志立春前一田家擊長秧鼓

桐廬縣志二月十二日俗傳以此日之晴雨卜衆卉之艷否名曰花朝備牲醴合祭先祖謂之春祭九片九日有作角黍以相遺者謂之重陽粽

溫州府

永嘉縣

附郭

隋書地理志少爭訟尚歌舞婦人勤於紡織有夜統紗

而且成布者俗謂之鷄鳴布

元和郡縣志永嘉蠶一年八熟

王十朋送葉秀才序誼理之學甲於東南筆橫渠而口

伊洛者紛如也取科第登仕籍多自此途出

王禕送顧仲明序永嘉東南名郡山川峻清偉人間出

王號稱六藝文章之府東南各海山川變而人開出

嘉靖浙江通志始東甌王信鬼故甌俗多敬鬼樂祠

甌江逸志東甌向稱沃壤名小杭州東南軍對樂而日

甌江逸志溫州自夏徂秋常觀雲以候風一日之間風

稍息則雨大傾雨稍霽則風復作謂之風癡居民海

買咸以為憂年俗尚婦人遊於外

萬歷溫州府志永嘉尚禮文重喪制婦女無故不出戶

庭恥向官府不行鬻於市

林汝詔遊雁蕩記東甌去浙遠其間地僻民醇城市清

楚人好修飾

舊浙江通志君子尚文小人習於機巧

溫州府志土薄難藝民以力勝故地不宜桑而織絰工

不產漆而器用備竹器漆器米之門宋者斷而只

永嘉縣志晉立郡城生齒日繁王右軍導以文教謝康

樂繼之乃知向方自是家務為學至宋遂稱小鄒魯

永嘉縣志其俗剽悍其貨織靡其士風任氣而矜節

五樂清縣

王十朋待士說樂士服詩書勤職業聖賢之是師臭味

之與游謹門戶時租稅悉以省訟慎以免禍

萬歷溫州府志樂清多剛直尚節槩宋人將蘇詩文

樂清縣志東甌限山阻海而樂尤土瘠竭力稼穡僅支一歲地多桑柘女勤紡績瀕海之家多藉魚鹽

樂清縣志山水奇迥仕多忠亮劉靖之臣校多宏介孤正之士民多磊落俊特之者

平陽縣志平陽尚簡樸不事爭鬪宋世雖小郡林

弟陳殖林湜諸君子皆從游程朱之門家洙泗而戶

濂洛學有淵源名士相繼而顯至今敦尚詩書勤於教子義塾之設殆徧閭里

平陽縣志俗淳厚尚樸素男子務耕種不事商賈女子

不尚刺繡夏績苧冬紡棉晝夜無間雖高門巨室始

瑞安縣

陳傅良義學序家務為學人務省事其俗甚厚

萬歷溫州府志瑞安俗近永嘉然尚儉約

瑞安縣志恭叔篤行水心正學忠定如陳學士正定如

卓侍郎道德文章代有稱述

泰順縣

萬歷溫州府志泰順俗視平陽更質

奉順縣志 奉居甌極西山勢高下大小有序無刻峭頑

怪狀水清澈可鑒而鮮奔潰故風土溫和民質不戾

泰順縣志 土瘠民貧男耕女織其俗有唐風蟋蟀之遺

民而秀者齒讓相先雖至貴不相假弦誦之聲居然

小鄒魯也

溫州府志 民間久不行冠禮惟士大夫家間一行之
議婚以男女生辰互易卜算名曰開合卜筮既吉媒
妁通好其納采曰起帖具禮儀外多致紅箋茶果以
通知女氏宗戚納幣曰言定備釵釧羊酒之屬以白
金代色緞請期曰送日納幣時有未備者此時補之
昏日婦至門未下車婿揖婦者四婦乃入門交拜拜
舅姑畢歸房合卺三朝廟見以女紅獻尊長以次分
送娣姪有差喪大殮時親鄰皆至名曰送殮喪家多
備筵席士大夫家多用鼓樂崇尚浮屠多作佛事葬
日親串來視不具賻臨衢多設路祭主人受之賻以

餽餘餉客闋三日復祭於墓標插紙毬而歸祖考近
家禮俗節及祖考忌辰誕日獻時食於寢室或獻於
家堂清明孟冬則展祭於墓終身不忍廢也

溫州府志 元旦祀先序拜尊長畢出謁親族鄰里或
留飲月朔至五日謂之節假立春日燒樟葉燃爆竹
啖饅實煮茗以宜達陽氣名曰煨春端午各鄉俱撰
龍舟競渡祈年賽願七夕以綵縷穿針陳瓜果以乞
巧臘月二十四日前掃塵淨宇迨
此夕則祀竈鳴爆竹謂之交年

平陽縣志 上元通衢上結竹棚掛綵夜間懸各色花
燈放花袍裝鰲山廟宇尤盛近多滾龍獅子沿門慶
賀七夕作巧食以啖以巧食擲屋脊上謂雀舍此布
橋以使牛女相會是夕羣兒取瓦片敲擊以慶其會

麗水縣 附郭

王禕少微倡和集序 州在浙東最左僻其土俗簡以質

其田賦薄以寡自昔易為

陳希黜勸儲倉記枯蒼負山為郡土田瘠薄沂溪而西
幾三百里為邑曰龍泉其地與閩接平時小民重本
力穡僅僅自足然非舟車走集之便稍遇旱澇則移
粟告糴於他邦者倍費事力

崇禎處州府志躬儉嗇尚樸素

崇禎處州府志其地多山少田勤於樹藝而衣食自足
安土重遷雖貧不至鬻子女但信鬼尚巫雖士大夫
之家亦不免

麗水縣志俗尚儉嗇人重本業守禮奉公頗稱易治

青田縣

劉基湖山義塾記士多俊彥室常殷阜

宋濂縣學記素稱文華之邦聲猷相尚

青田縣志俗尚簡朴衣用大布飲食不貴異物貧士帶

經而鋤里巷市廛所至輒聞讀書聲

縉雲縣

崇禎處州府志自郡守李蕃興學之後家習儒業

楊億與章廷評書獄訟甚稀賦輸素辦

宋濂樹萱堂記躬服儉素弗憚勤勞

枯蒼彙記道當甌婺之衝疲於陸運拮据樹藝豐年僅

資俯仰

縉雲縣志士厲廉隅俗尚儉節庶幾太古之遺力出敦行敬業樂羣士風閨操為十邑最

松陽縣

程愉松陽縣經界記邑號樂土閭井周聯風俗淳厚以賦入後期為恥

松陽縣志人崇信義家置祭田地無他業一意力本磽确之區蓄洩及時始有秋男女盡力於耕織安土重遷儒雅以儉嗇自持

遂昌縣

古稱遺芳遂昌雖山邑詩書之族後先相望真閭或以名節著或以經學聞在山澤有韜晦而閭閻有孝義遂昌縣志民甘儉約而勤耕讀士崇禮義而尚儒雅古稱好訟而喜鬪今殆庶幾

遂昌縣志崇禮甘儉不尚浮屠各建家祠有古立宗法崇祭祀之意人文彬起禮讓成俗而好氣風習稍衰

龍泉縣志

崇禎處州府志民力耕種尚儉嗇商旅憚於遠出貿遷不越鄰封積書教子宦業相望

龍泉縣志平居里巷絃誦相聞重本力穡僅僅自足其

士操觚較藝好學而尚文其農則火田粒食力勤而
尚儉

慶元縣

崇禎處州府志地僻民樸舟楫不通市無商賈耕讀之
外無餘事士守名節婦不外見敦詩書飭廉隅安土
重遷寧變產輸將不忍受辱事非切已不至公庭

慶元縣志敦讓厚別號為易治近矜尚服物轉薄文藝

無一登鄉薦者

雲和縣

崇禎處州府志山多田少土瘠民貧俗儉嗇尚樸素也

鄴侯興學以後儒業文風漸盛

崇禎處州府志質實浮靡彼此相半

雲和縣志俗敦廉恥尚節槩力耕勤織衣食聊足自給
惟工藝貿易悉資外販故流移僑居者十六

宣平縣

王深源通遷渡記宣慈土壤衍沃民物富庶商旅肩踵
相摩屬

崇禎處州府志俗本古樸始以坑冶致患民習不淳繼
崇乃崇儉務本漸異於舊

宣平縣志民多惑於浮屠而訟訐求勝風習猶有存者

景寧縣

崇禎處州府志 山谷遐阻商賈罕集人惟力田務穡爭

訟鮮少士務禮讓自昔記之

景寧縣志 頗習靡麗禮讓未興山居樸魯猶為近古

處州府志重親迎禮姻婭皆肅衣冠陪塔至門奠雁禮甚整聘遣宴賀從儉喪禮不事觀飾不舉音樂親朋賻贈厚意猶存歲春秋聚族合祭其祖於家廟生辰諱日各祭於家新歲寒食祭於墓雖極貧不敢弛處州府志元旦姻里交賀家折柏枝肖鳳形繫橋柿於中俗呼百事吉懸中堂上元節市巷皆懸燈神廟競列古銅器名畫以比賽於通衢迎春日士女皆出觀各坊以童子粧像古人故事皆乘牛以應十牛之令五日為角黍懸蒲艾鄉都各造龍舟競渡士女泛舟觀游八月望日大潮至清溪門女子着淡素衣於門外浣手徘徊江月以當祓除之意至日家為小米粟調以薑糖祀其先家人共相勸食為延年之祀臘

盡餽臠栗相酬酢除夕川粉蒸糕設饌為分歲飲親朋更相邀致以敦款好

聖訓

康熙九年十月初九日欽奉

上諭朕惟至治之世不專以法令為務而以教化為先其時人心醇良風俗樸厚刑措不用比屋可封長治久安茂登上理益法令禁於一時而教化維於可久若徒恃法令而教化不先是舍本而務末也近見風俗日敝人心不古囂凌成習僭濫多端狙詐之術日工獄訟之興靡已或豪富陵轢孤寒或劣紳武斷鄉曲或惡衿出入衙署或蠹棍詐害善良萑苻之劫掠特聞讐忿之殺傷

疊見陷罹法網刑所必加誅之則無知可憫宥之則憲典難寬念茲刑辟之日繁良由化導之未善朕今欲法古帝王尙德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尙節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全良善誦窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成內外文武該管各官督率舉行爾部詳察典制定議具奏特諭

雍正元年二月十三日欽奉

上諭致治之要首在風化移風易俗莫先於鼓勵良善使人人知彝倫天則之爲重忠孝節義之宜敦古帝王勞來匡直所以納民於軌物者舍是無由也朝廷每遇覃恩詔欵內必有旌表孝義貞節之條實係鉅典邇來直省大吏往往視爲具文並未廣諮遠訪祇將有力之家囑托賂遺者漫憑郡縣監司之申詳卽爲題請建坊而山村僻壤窮氓耕織之人或救水養親天性篤孝或柏舟矢志之死靡他鄉隣嗟嘆爲可欽而姓氏不傳於城邑幽光湮鬱潛德消沉者何可勝數爾部卽傳諭督撫

學政諸臣嗣後務期各屬搜羅虛公核詢據本人鄉評實蹟題奏旌獎勿以匹夫匹婦而輕為阻抑勿以富家巨族而濫為表揚以副朕成俗化民實心彰善至意特諭

雍正二年二月初三日

聖諭廣訓序

書曰每歲孟春道人以木鐸徇于路記曰司徒修六禮以節民性明七教以興民德此皆以敦本崇實之道為

牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祗期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨御

兆人以

聖祖之心為心以

聖祖之政為政夙夜黽勉率由舊章惟恐小民遵信奉行久而或怠用申詔誠以示提撕謹將

上諭十六條尋繹其義推衍其文共得萬言名曰
聖諭廣訓旁徵遠引往復周詳意取顯明語多直樸無非奉先志以啓後人使羣黎百姓家喻而戶曉也願爾兵民等仰體

聖祖正德厚生之至意勿視為條教號令之虛文共勉為謹身節用之庶人盡除夫浮薄囂凌之陋習則風俗淳厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

雍正四年十月初六日欽奉

上諭恭紀首卷以王國棟為浙江觀風整俗使

雍正四年十一月二十七日欽奉

上諭恭紀首卷停浙江鄉會試

雍正五年三月初三日欽奉

上諭自古帝王致治誠民莫不以重農為首務書陳無逸先知稼穡之艱難詩載豳風備敘田家之力作論語云百姓足君孰與不足孟子云民事不可緩也蓋國以民為本民以食為天農事者帝王所以承天養人久安長治之本也我國家撫綏寰宇



聖祖仁皇帝臨御六十餘年深仁厚澤休養生息戶口日增
生齒日繁而直省之內地不加廣近年以來各處皆有
收成其被水歉收者不過州縣數處耳而米價遂覺漸
貴閩廣之間頗有不敷之慮望濟於鄰省良由地土之
所產如舊而民間之食指愈多所入不足以供所出是
以米少而價昂此亦理勢之必然者也夫米穀爲養命
之寶旣賴之以生則當加意愛惜而不可存輕棄之心
且資之者衆尤當隨時撙節而不可縱口腹之欲每人
能省一勺在我不覺其少而積少成多便可多養數人
若人人如此則所積豈不更多所養豈不更衆乎養生

家以食少爲要訣固所以頤神養和亦所以節用惜福
也况脾主於信習慣便成自然每見食少之人其精神
氣體未嘗不壯此顯而可見者至於各省地土其不可
以種植五穀之處則不妨種他物以取利其可以種植
五穀之處則當視之如寶勤加墾治樹藝菽粟安可舍
本而逐末棄膏腴之沃壤而變爲果木之場廢饗殮之
恒產以倖圖贏餘之利乎至於烟葉一種於生人日用
毫無裨益而種植必擇肥饒善地尤爲妨農之甚者也
小民較量錙銖且但顧目前而不爲久遠之計故當圖
利之時若令其舍多取寡棄重就輕必非其情之所願

而地方官遽然繩之以法則勢有所難行轉滋紛擾惟在良有司勤勤懇懇諄切勸諭俾小民豁然醒悟知稼穡爲身命之所關非此不能生活而其他皆不足恃則羣情踴躍不待督課而皆盡力於南畝矣朕問江南江西湖廣廣東數省有一歲再熟之稻風土如此而仍至於乏食者是地土之力有餘而播種之功不足豈非小民習於怠惰而有司之化導者有未至耶或者曰米穀太多則價賤而難於糶賣昔人有穀賤傷農之說謬語所謂熟荒者此則不必過慮假若小民勤於耕作收穫豐盈價賤而難於出糶朕必多發官價以糶買之使重農務本之良民獲利有餘費也朕生平愛惜米穀每食之時雖顆粒不肯拋棄以朕玉食萬方豈慮天庾之不給而所以如此撙節愛惜者實出於天性自然之敬慎並不由於勉強且以米穀乃

上天所以生養萬物者朕爲天下生民主惟有敬謹寶重仰天心默祐雨暘時若歲獲有秋俾小民家有蓋藏人歌樂土朕旣爲億萬生民計不敢輕忽天貺爾等紳衿百姓獨不自爲一身一家計乎朝夕生養之需旣受

上天之賜若果如意愛惜隨時撙節則天必頻頻賜賚長享

盪寧之福若恣情縱欲暴殄天物則必上干天怒不蒙
賜賚而水旱灾禳之事皆所不免其理豈或爽哉又聞
江西廣西地方竟有以米穀飼養豚豕者試思穀食之
與肉食孰重孰輕孰緩孰急而乃以

上天之所賜小民終歲勤苦之所獲者爲豢養物類之用豈
不干天和而輕民命乎朕所以惓惓訓諭者惟期天下
之人專務本業以杜浮靡愛惜物力以圖久遠共體朕
敬迓

天庥勤恤民隱之意則爾等家室必益至於豐饒爾等子孫
必永綿其福澤思之毋忽朕言將此曉諭內外官
民人等並通行遠鄉僻壤咸使聞知特諭

雍正六年三月初三日欽奉

上諭覽福建巡撫常賚奏稱羅源縣孝子李盛山割肝救
其母病母病愈後李盛山傷重身故請加旌表部議以
割肝乃小民輕生愚孝向無旌表之例應不准行朕念
割肝療疾事雖不經而其迫切救母之心實難得而可
憫已加恩准其旌表矣嘗讀韓愈之文曰母疾則止於
烹粉藥石以爲事未聞毀傷肢體以爲養苟不傷於義
則聖賢當先衆而爲之矣又讀朱子書曰割股固自不
是若誠心爲之不求人知亦庶幾今乃有以要譽者是

先儒論及此者屢矣本朝順治年間定例割股或致傷生臥冰或致凍死恐民倣倣不准旌表伏思我

世祖皇帝

聖祖皇帝臨御萬方立教明倫與人爲善而於此例慎子旌

表者誠乃天地好生之盛心聖人覺世之要道也視人命爲至重不可以愚昧而誤戕念孝道爲至宏不可以毀傷爲正理立法垂訓實有深意存焉但向來地方有司未嘗以聖賢經常之道與國家愛養之心明白曉諭開導編氓是以愚夫愚婦救親而捐軀殉夫而殞命者往往有之既有其事若不予以旌表恐無以彰其苦志

而慰其幽魂所以數十年來雖定不予旌表之例而仍許其奏聞且有邀恩於常格之外者仰見

聖祖皇帝哀矜下民之

聖心固如是之周詳而委曲也孝經曰身體髮膚受之父母不敢毀傷孝之始也孟子曰事孰爲大事親爲大守孰爲大守身爲大此皆言人子一身爲父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母愛子之心無所不至倘有疾病尙以爲憂設有不肖忤逆之子父母且恕而矜之其純孝之子而父母之憐愛又當如何也豈有以己身患病

之故割其子之肝肉充飲饌而和湯藥其父母之心斷無有不驚憂慘惕不安之理也若因此而至於傷生又豈父母所忍聞者乎夫父母有疾固人子所當盡心竭力之時而孝道多端實不容効命捐軀於一節孔子曰生事之以禮死葬之以禮祭之以禮是人生孺慕之誠原通百年而無間者也人子一身承先啓後負荷甚鉅若舍生殞命於倉卒之間而忘宗祀繼續之重恐非所以爲孝也況人子於親本乎天性儻能盡至誠純孝之實則親病雖篤呼籲請禱力省一身之過誓願爲一正人如此必能感天地動鬼神何須割肝剖股以爲回生

之良劑乎家庭之行惟在至誠至敬善體親心不必以驚世駭俗之爲著奇於日用倫常之外也至若婦人從一之義醮而不改乃天下之正道而其間節婦烈婦亦有不同者烈婦以死殉夫慷慨相從於地下固爲人所難能然烈婦難而節婦尤難蓋從死者取決於一時而守貞者必歷夫永久從死者致命而遂已而守貞者備嘗其艱難且烈婦之殉節捐軀其間情事亦有不同者或迫於貧窶而寡自全之計或出於憤激而不服爲日後之思不知夫亡之後婦職之當盡者更多上有翁姑則當奉養以代爲子之道下有後嗣則當教育以代爲

父之道弛如修治蘋蘩經理家業其事難以悉數安得
以一死畢其責乎是以節婦之旌表載在典章而烈婦
不在定例之內者誠以烈婦捐生與割肝割股之愚孝
其事相類假若倣倣者多則戕生者衆爲上者之所不
忍也向來未曾通行曉諭朕今特頒諭旨着地方有司
廣爲宣布務期僻壤荒村家喻戶曉俾愚民咸知孝子
節婦之自有常道可行而保全生命之爲正理則倫常
之地皆合中庸不負國家教養矜全之德矣倘訓諭之
後仍有不愛軀命蹈於危亡者朕亦不樂加旌表以成
閭閻激烈之風長愚民輕生之習思之思之特諭

雍正六年八月二十九日欽奉

上諭

恭紀
首卷

浙江士風丕變着照舊鄉會試

雍正七年三月初四日欽奉

上諭直省各處富戶其爲士民殷實者或由於祖父之積
累或已身之經營操持儉約然後能致此饒裕此乃國
家之良民也其爲鄉紳有餘者非由於先世之遺留卽
已身之俸祿節制謹度始能成其家計此乃國家之良
吏也是以紳衿士庶中之家道殷實者實居五福之一
而爲國家所愛養保護之人則爾等本身安可不思孳
孳爲善以永保其身家乎夫保家之道若奢侈糜費固

東傳海內通志 卷一百一
非所以善守而慳吝刻薄亦非所以自全周禮以鄉三
物教萬民有曰孝友睦婣任卹可知公財行惠任卹之
義與孝友而並重者也蓋凡民之情賤者忌人之貴貧
者忌人之富彼窮乏之人既遊閒破耗自困其生又皆
不知已過轉懷忌於溫飽之家若富戶復以慳吝刻薄
爲心腹削侵牟與小民爭利在太平盛世年穀順成之
時固可相安從來遇荒歉之時貧民肆行搶奪先衆人
而受其害者皆爲富不仁之家也迨富家被害之後官
法究擬必將搶奪之貧民置之重典是富戶以斂財而
傾其家貧民以貪財而喪其命豈非兩失之道大可惜

側者乎朕爲此勸導各富戶等平時當以體恤貧
念凡鄰里佃戶中之窮乏者或遇年穀歉收或值青黃
不接皆宜平情通融切勿坐視其困苦而不爲之援手
如此則富戶濟貧民之急貧民感富戶之情居常能緩
急相周有事可守望相助伎求之念既忘親睦之心必
篤豈非富戶保家之善道乎從來家國一理若富戶能
自保其身家貧民共知衛夫富戶一鄉如此則一鄉永
靖一邑如此則一邑長寧是富戶之自保其家猶富戶
之宣力於國也朕臨御以來屢經人條奏民間貧富不
勻請行限田之法乃至逆賊會靜私著謗書謂方今輕

徭薄賦惟利於豪強兼并之家與貧民無涉非復行井田不能養贍百姓等語朕思此等怪謬支離之說乃理勢所萬不能行者夫天下富者一而貧者百以一人之有餘欲濟衆人之不足貧者未必便能成立而富戶無辜已受摧殘矣此乃懷欲窮天下之賦論有此情理乎朕既知其必不可行若但令地方出示曉諭陽奉陰違朕實恥而不爲若以不能行之事委之各督撫以示德於貧民使之感朕恩意而以奉行不力之故歸怨於各督撫等又朕所不忍爲者是以特頒諭旨告誡爾等富戶爲富戶者當知己之得於天者甚厚常存濟人利物之心行救困扶危之事敦睦宗族賑卹鄉鄰下逮佃戶傭工皆加惠養則人人感其德意即可消患於未萌況積善之家必有餘慶種福果於天地之間子孫必長享豐厚豈不美歟着各省督撫將朕此旨通行該屬之鄉紳士民人等共知之料朕赤子良民必不負朕期望之誠意也特諭

雍正七年六月初六日欽奉

上諭游惰之民自昔治天下者之所深惡若好爲賭博之人又不上於游惰而已荒棄本業蕩費家資品行日卽於卑汚心術日趨於貪詐父習之則無以訓其子子習

之則無以制其奴鬪毆由此而生爭訟由此而起盜賊
由此而多匪類由此而聚其為人心風俗之害誠不可
以悉數也大凡為不善之事者雖干犯功令猶可得微
利於一時而獨至賭博則今日之所得明日未必能保
若合一年數月而計之勝者與負者同歸於盡此天下
之人所共知者而無如邪僻之人一入其中即迷而不
悟且甘為下賤而不辭亦大可悲矣數年以來屢次降
旨嚴禁而此風向未止息者則以製造賭具之尙有其
人而有司之禁約未曾盡力也百工技巧之事可以獲
利營生者何事不可為而乃違條犯法製此壞風俗惑

人心之具其罪尙可言乎嘗思賭博之風所以盛行
兄為之子弟在旁見而倣之家主為之奴僕在傍見而
倣之甚至婦人女子亦沉溺其中而不以為怪總因
此者多故從風而靡靡者衆也若嚴行禁止使人不致
再犯則日積月累後生子弟無從而學此風自然止息無俟條教號令之煩矣凡地方大吏有司
均有化民成俗之責而乃悠悠忽忽視為泛常安辭溺
職之咎今特定本地方官以勸懲之法以清其源嗣後
拏獲賭博必窮究賭具之所由來其製造賭具之家果
審明確有証據用於某縣將該縣知縣照溺職例革職

東修江通志 卷一百一十五 風俗下
知府革職留任督撫司道等官各降一級留任如本地
有私造賭具之家而該縣能緝拏懲治者知縣着加二
級知府着加一級督撫司道等官紀錄二次將此勸懲
之法永著為例於雍正庚戌年爲始着該督撫通行曉
諭咸使聞知特諭

雍正八年十一月二十一日欽奉

上諭民間借貸一事所以通彼此之有無濟一時之緩急
意本善也乃有貪利營私之徒往往乘人匱乏勒索重
利如借貸米穀則不但加三起息竟有加五或多至加
倍者小民偶爾窘迫止顧目前及未稼登場終歲辛苦

之所獲不能復爲已有雖豐稔之歲僅足供償債之需
一遇歉收之年則束手無策必致息上起息累年不能
楚結且貽累於子孫而挾貲射利乘急多取者視爲固
然全無矜憐憫息之意貪饕爲性澆薄成風此亦世道
人心之患也夫緩急亦人所有周禮三物六行孝友睦
婣而繼以任卹蓋儕類里黨有急則相倚任有困則相
賑恤此鄉鄰風俗之美王化所先而其人以仁厚居心
亦所以長享福澤於勿替此卽仰邀

天地神明賜佑休徵之根本也從來窮通富貴境遇不常幸
而富貴有餘是

天之待我獨厚則當思濟人利物恤災扶困以廣行善事仰

天恩若以天之厚我者特爲剝削貧人之具不獨

上天鑒臨必加譴責卽返之於心亦忍爲之乎凡屬貪鄙之人利令智昏以爲如此可以致富獨不思貧富有一定之數善惡有不爽之報假令爲富不仁者皆得擁厚資以長子孫而樂善好施者必致匱乏終身矣自古迄今有此天理乎嘗見不義之財得之若易乃享受未久或耗於意外之災患或敗於不肖之後人是知刻薄之行損人適以自損仁厚之風利人還以自利也此種盤算

惡薄之俗若不曉諭化導遽以官法繩之恐轉阻其借貸之路非所以爲便於窮民故特將天道好還循環往復之道委曲詳明覺悟貪夫薄夫而啓其良心杜其敝俗凡有借貸銀錢米穀者加一加二起息尙屬情理可行若太多則誠爲富不仁矣着該地方有司將天理人心時時訓諭所屬之人以化其殘忍刻薄之習倘勸導既久如下愚頑惡之性不移尙有爲富不仁重利盤放者確訪一二人加以懲治以儆其餘如此庶惡習可以轉移貪風可以止息也如有無藉棍徒因朕此勸導之訓諭或借端圖賴或生事強借以擾害良善溫飽人家

者尤當加以重懲不可寬貸但全賴地方有司奉行勸導之公當勤誠也特諭

雍正十三年十一月初二日欽奉

上諭朕聞外省百姓有生計稍裕之家每遇喪葬之事多務虛文侈靡過費其甚者至於招集親朋鄰族開筵劇飲謂之開喪且有於停喪處所連日演戲而舉殯之時又復在途扮演雜劇戲具者從來事親之道生事死祭皆必以禮得爲而不爲與不得爲而爲之者均爲非孝是知各循其分乃能各盡其孝而初不在以奢靡相尙也況當哀痛迫切之時而顧聚集親朋飲酒演劇相習

成風恬不知怪非惟於理不合抑亦於情何忍此甚有關於風俗人心不可不嚴行禁止着各省督撫等通行明切曉諭嗣後民間遇有喪葬之事不許仍習陋風聚飲演戲以及扮演雜劇等類違者按律究處務在實力奉行毋得姑爲寬縱特諭

雍正十三年十一月初十日欽奉

上諭朕聞吉凶異道不得相干故娶在三年之外而聘在三年之內者春秋猶以爲非禮記稱大功之末可以冠子可以嫁子父小功之末可以娶婦已雖小功旣卒哭可以冠娶妻三年之喪創深痛鉅苟有人心者必宜於

此焉變矣乃愚民不知禮教起於皂隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間爲之而入旗效之朕實憫焉自今伊始自齒朝之士下逮門內有生監者三年之喪未終喪不得嫁娶違者奪爵褫服其極貧阜隸編氓父母臥疾呻吟床褥必賴孀婦以供薪水治饗殮者聽其迎娶盟饋俟疾愈喪畢而後成婚古者禮不下庶人其斯之類歟曾子問親迎女在途而婿之父母死女改服布深衣縞總以趨喪亦此義也其商賈中家不必以士大夫禮繩之然人性皆善朕知其必有觀

感興起而不忍自同於氓隸者矣特諭

雍正十三年十一月二十三日欽奉

上諭民間惡習無過於博戲有或陷溺於其中則子弟欺其父兄奴僕背其家主逃亡盜賊之源鮮不由此又有市井奸兇十五爲羣聚黨鬪狠爲患於鄉閭或強爭市肆或凌挾富人朝罹官法夕復逞兇其惡不減於劫盜至耕牛爲農事之本民賴以生故惟

郊壇

宗廟

社稷

獄瀆之重乃用太牢而愚民妄肆屠宰價賤於羊豕悖莫甚焉是以

皇考蒞政之初卽爲大禁嚴飭百吏訪緝奸覓造賭具者有刑屠耕牛者有罰執法不移由是鬪狠酗酒博之莠民屏息而不敢出內則五城衢巷市竊之賊日稀外則商旅恬安宵行夜宿少逢劫盜田疇益治井里宴眠靡以歲月乃克致此朕承百度肅清之後故庶政皆從寬大欲中外吏民蒸然向化遷善遠罪而不自知然所宥者災眚所恤者善良非謂怙終不悛者舉可縱釋也近聞奸民倡爲流言以惑衆志詭云步軍統領緝獲賭博已經

奏聞朕置而不問又屠牛之禁亦開昔周公立造言之刑重罷民之罰謂非此不足以定民志而成化道也勅下步軍統領暨五城御史密訪嚴緝造爲此言者以正典刑各直省州縣有不能治其境內犯此三禁者該督撫卽時叅究其或失察朕亦不能爲大吏寬昔

皇考多方鼓舞故告發賭博隸民加賞有司議敘而奉行失宜間或有生事自以爲功者自今以往其各實心查禁若不能禁賭及造賭具者必以不職罪之打降及屠牛亦然惡萌復生將隳

皇考已成之治化朕滋懼焉爾諸臣其共凜之特諭欽此

謹按浙土風俗各郡屬邑雖有不同而觀感興起嘔

聖訓屢頒諄切教誨恩威並濟化導多方不啻面命而耳

上諭令和碩怡親王大學士張廷玉等傳諭各省大吏將

諭旨凡切於民生日用者即敬謹刊刻通行頒示所屬地

聖訓各遂其生各復其性以仰副

聖主教養萬方之至意隨經欽遵刊刻頒行尙恐小民或

有未經抄錄或久而記載偶遺者茲特恭紀於風俗

勅修浙江通志卷一百

勅修浙江通志卷一百一

物產

神禹敷土首述職貢凡鉛松怪石籩簞菁茅之屬

非具載是豈勤於小物哉蓋欲周知品彙俾滋培

長養也浙為禹會之邦沃壤數千里濱江距海水陸

珍錯之物靡所不有識其名而并詳所自出辨厥土

宜以前民用亦職貢之義云爾志物產

浙江通省

舊浙江通志穀之類

粳稻糯稻梁黍稷大麥小麥蕎麥

豆豌豆刀豆蠶豆羊

蔬之類

芥薹芹薤波稜蒿苣茗

眼豆虎斑豆龍爪豆

物產一

芋芡菱蘿葡萄蔓菁茭白絲瓜 木之類 柏松楊柳榆椿

王瓜香瓜冬瓜熟瓜西瓜 果之類 梅桃杏榴棗

青桂棟樸杉桐楓樟櫟柞檫菜 花之類 芍藥牡丹紫

榛香櫟葡萄荀林禽山查枇杷甘 薇薔薇棠棣

蔗葶薺苳菰木瓜花紅梧桐子 荷茶蘼鳳仙錦帶蜀葵海棠百合木香山茶玉簪芙蓉

蓉麗春瑞香鹿茵水仙山丹杜鵑石巖笑靨兒佛見

笑木槿 竹之類 水竹筍竹南天竹王莽竹蚤筍竹篔簹

蓼蘋 竹石竹剛竹 藥之類 棘刺花紫葳前胡天明精山黃

護雞竹筍竹 皮枳實劉寄奴骨碎補細辛黃

藥車前香附葶藶草烏茨菰燈心草桑白皮桑寄生

槐花半夏橘紅大戟百合五味子白芨白斂鳳眼草

野菊花山茱萸雞冠子當陸馬鞭草鼠尾草狗舌草

蘆根牽牛金線草躑躅花葛菲香決明葶藶薏苡葛

蒲千金藤櫻欄子薄荷澤蘭牛膝蒼耳獨活藁木貝

母錢藤香薷鬼絲子杜仲大黃蛇牀子地骨皮良薑

瞿麥紫蘇山藥荆芥茴香瓜萆罌粟土木瓜金 羽之

櫻子枸杞子金銀花續隨子石膏牛蒡子紫苑

類 雞鵝鴨白頭翁婆娑餅焦蠟嘴銅嘴鷓鴣告天儵蒼

竹雞雉鴉鵙鳩鴉鴿雪姑黃頭畫眉杜鵑布穀鷓鴣

鷓鴣鷓鴣鴿戴勝拖白練拖赤練紺練雀鴉 毛之類

燕鵲鷺青鷺鴛鴦鴛鴦鴛鴦鴛鴦鴛鴦鴛鴦鴛鴦 鱗之

牛羊馬驢騾豕犬猫狸獾鹿兔鹿麋獺猿獼猴

麋野猪松鼠栗鼠鼯鼠竹狗山羊刺蝟虎豹 鱗之

類 鯉鯽鱖鱗鮎鱖鱖鱖鱖鱖鱖鱖鱖鱖鱖鱖鱖鱖 甲

之類 龜鼈蚌蛤蝦蟹蠶蠅蚬田螺辣螺烏 貨之類 紵絲

綢絹綿緹縹金箔銀箔錫箔紙柏燭桐油 綾羅

粽漆蔴扇蓆箭弓木屐棕履燈籠油傘 謹按物產必志所自出舊志僅列一目是志物而非

志產矣浙中山林川澤之產為類實繁然或不盡 見於載籍故先仍舊志總括其目列於篇首 而凡分產各屬者咸按籍而備志之如左

穀 咸淳臨安志 穀之品 杭粳麥麻豆粟萬歷杭州府

志穀屬凡六 一曰稻為秔為粳 二曰黍為黃為白為
 黑 三曰稷惟一 種 四曰麥為麩為秣為稭為蕎 五曰
 菽為黃豆為白豆為赤豆為青豆為黑豆為斑豆為
 褐豆為豌豆為豇豆為菜豆為寒豆為刀豆為羊眼
 豆 六曰麻為芝麻為胡麻

杭稻稞稻

成化杭州府志

秔有黃稞交白黑鬚赤稻

紅稞大黃小黃晚稻早遲芒晚遲芒金裹銀木犀黃
 初稞黃鵝爪黃泰州紅銀杏白雁來青紅蓮子花蓮
 子赤芒兒烏早遲芒稞有旱稞羊鬚烏鬚鐵梗馬鬚
 臘貼金釵光頭蘆花萬歷杭州府志稻之名色甚衆大都不出秔稞二種但早晚

同仁和錢塘海寧種多晚餘杭早晚半之餘縣多早

占城稻

爾雅翼今江浙間有稻粒稍細耐水旱而成

實早作飯差硬土人謂之占城稻

宋會要大中祥符五年遣使福建取

占城禾分給江淮兩浙并出種法擇民田之高者種之謹按古稱三農謂山農澤農平地農也杭郡自錢塘以西諸山縣皆山田自仁及海皆平地田大抵早種多而晚種少早種所收薄於晚種故會城之米大半取給四方是宜廣設倉儲以防踊價職茲土者所宜加之意焉

黍

萬歷杭州府志黍有黃白二種山縣多種之黑黍

種之者少

麥

咸淳臨安志有大麥小麥

西湖游覽志麥嶺宜麥

蕎麥 萬歷杭州府志蕎麥治為麵土人忌於柏樹板

上切食

蘆稜 萬歷杭州府志或稱蘆粟山縣種之

蠶豆 萬歷杭州府志豌豆俗呼蠶豆田墪蔬圃皆種

之百尺梧桐閣集昌化伯邵王墳側顆大味鮮杭人稱王墳豆

赤豆 四民月令臘月以赤小豆煮粥杭人風俗也

綠豆 萬歷杭州府志杭人製為粉最滑膩水浸出芽

可為菜食夏月能解暑穀譜綠以色名鮮者為明綠暗者為油綠早種為摘綠遲

種為拔綠杭人喜食豆芽即此

扁豆 成化杭州府志有黑白二色白者名白扁豆

青豆 仁和縣志老則炒食嫩者為烘豆稱沙田豆

黑豆 杭州府志麤者用何首烏煮食能澤鬚髮細者

糲豆 生於野細而扁者零烏豆俗名馬料豆可肥馬

菜 武林紀事杭城東園人家四時種菜販賣遠至臨

平長安俱船載而去

黃芽菜 咸淳臨安志冬間取巨菜覆以草積久而去

其腐葉黃白纖瑩萬歷杭州府志矮黃菜味美冠諸菜杭人訛為黃雅戒菴漫筆杭州

呼黃矮菜為花交菜

油菜 萬歷杭州府志子可作油故名將花時取其心

食最美心去則其葉叢生花更多子更繁為利倍之

臺心菜 咸淳臨安志此種春間最盛

芥菜 咸淳臨安志紫而辣者難得 杭州府志芥菜有紫白青油數種紫

之味最辛杭人搗其子以醋和之用拌粉食名曰芥辣

生菜 萬歷杭州府志以油醬和醋拌之可生食

莧菜 本草綱目有赤白紫三種又有野灰二種灰莧

之有紅心者不可食 韋驥紅心莧詩色若櫻又雉圓如插繡幢春葩應有並新卉合

無雙

白菜 萬歷杭州府志杭人呼長梗白冬月之菜惟此

宜久藏 楊萬里食白菜詩新春雲于滑流匙更嚼蔬與雪蠶靈隱山前水晶菜近來種子到

西注初食白菜因名以晶菜

南瓜 農書浙中一種陰瓜宜陰地種之秋熟色黃如

金皮膚稍厚可藏至春食之如新即南瓜也

蘿蔔 成化杭州府志大者出錢塘方家峪等山青頭

蘿蔔俗名為蘇州兒紅蘿蔔出仁和郊外 萬歷杭州府志黃者

名湖蘿蔔出仁和

山藥 咸淳臨安志形如手掌者名佛手山藥

菱白 農桑譜菱白二種城東田多種之 錢惟善食菱白詩 風吹

雨飽秋菰卸却青衣見玉膚客裏嘗新成一笑不圖今日見西湖

芋 杭州府志岸芋也有白有紫葉似蹲鴟 本草綱目錢塘最多

味莖不可食種芋三年不采則成枵別有野芋名老芋形葉相似根不可食

茄 草木子一名落蘇土人於花時採葉布路關令踐

之則子繁謂之嫁茄咸淳臨安志有一種圓白瑩嫩者名為水茄

菲 萬歷杭州府志郡城人最貴其初出時數十莖以

十餘錢易之

薑 明一統志臨平出薑萬歷杭州府志仁和小林近蘇家圩多種之東坡雜記余

昔監郡錢塘有僧號聰藥王年八十餘顏如渥丹自言服生薑四十年取薑乳蒸餅或作饌和丸食之

蔥 咸淳臨安志蔥出板橋萬歷杭州府志蔥有一種夏間莖端生數芽者名五

蔥瓜

蒿筍 咸淳臨安志其菜名蒿苣食取其根名蒿筍

井露子 咸淳臨安志三四節連生如貫珠

筍 舊浙江通志春筍一名圓筍錢塘古蕩法華山并

餘杭出茅筍茅竹所生邊筍夏月從土中掘得之冬

筍俗名潭筍杭四時不乏味特甲於諸蔬誠齋詩注臨安人食

筍自十月至四月

哺雞筍 咸淳臨安志出稍早最肥和靖詩烟崖早筍

肥是也

苦筍 咸淳臨安志端午前杭俗多以充饋遺以其性

涼也周紫芝劉主簿許餉苦筍詩未肯煩君便指囷且看分筍不論餉此君自是盤中虎空想斑斑

箸下人注杭人重苦筍呼為嚇飯虎

紫桂筍 筍譜錢塘多紫桂筍自餘斑狸細縹不可勝

言

燕筍 筍譜錢塘多生其色紫苞當燕至時生故俗稱

燕筍

黃鶯筍 夢梁錄臨安筍有數名有黃鶯筍

白象牙 夢梁錄筍之品有曰白象牙

筍脯 餘杭縣新志筍四時不絕其煮曬為脯則曰玉

版一曰鹹筍乾而青筍為最

蓴 杭州府志出西湖初生無葉名雉尾蓴又名馬蹄

蓴葉舒長名絲蓴至秋則無人採矣 西湖志餘述出

減湘湖虞淳熙食蓴菜詩玳筵金饌絲舟停取醉
明湖酒欲醒戲採綠蓴調碧椀一時輕薄五侯鮑

香蕈 咸淳臨安志多生山谷松竹間東坡與參寥贊

果寺得黃耳蕈詩云老楮忽生黃耳蕈是也其大者

淨白名玉蕈最貴黑者名茅蕈赤者名竹蕈皆下品

蔬譜土人號為香蕈

蓬 四民月令杭人於二月二日取以煎糕

木耳石耳 萬歷杭州府志木耳生桑樹者佳石耳生

山縣絕壁間

蕨粉 於潛縣志土人搗蕨根澆粉可以療饑

醃蔬 元覽臨安有酸角之醃蔬

把鮓 袖中錦臨安東華門把鮓為天下第一他處效

東坡志林通志 卷一百一
冰之終不及

香鼓 名醫別錄鼓出錢塘者香美而濃取中心者佳

香椒 萬歷靈隱寺志靈山舊產香椒與川蜀無異今

無

桑 杭州府志有女桑山桑出富陽者最佳餘縣接種

者亦名富陽桑仁和縣甯公塘所產睦州青四鄉多

種此

萬年松 新城縣志南安鄉仙人石上有萬年松其狀

如柏

天目松 咸淳臨安志松有數種惟天目山者針短而

犀健栝子松三針華山松四針

袁宏道天目游記云目山松形如蓋高不踰數尺一株值萬餘錢

纓絡柏 萬歷杭州府志本不甚大園亭間植之

槐 仁和縣志葉可薦茶花黃可染色根可作神燭用

楮 仁和縣志葉苗花蕤並堪作茹造紙練布撚氈

烏柏 宣德富陽縣志桐洲中沙之民多栽烏柏樹為

業秋葉紺紅映江頗稱佳境 萬歷杭州府志葉可染

櫻櫚 武林舊事慈雲嶺滿山皆櫻櫚 武林紀事其筍

之味微苦

楊柳 咸淳臨安志湖堤植柳最盛垂者長條可玩峽

川志楊園在峽石西方四五里古以其地多生垂楊

黃楊 錢塘縣志杭人取其木堅膩作梳刻印最佳

霜木 水經注於潛縣北天目山極高峻崖嶺竦巖山

上有霜木皆是數百年樹謂之翔鳳林

青神鳳集 平泉草木記木之美者天目之青神鳳集

咸淳臨安志

梅 名勝志西溪多古梅二月始華香雪霏霏四面襲

人宣德富陽縣志包家墅種梅約一里許樹皆數百

年物古幹可愛其實亦佳

早梅 梅譜早梅勝直脚梅吳中春晚二月始放獨此

品於冬至前已開故得早名錢塘湖上有一種尤早

余嘗重陽日親折之有橫枝對菊開之句

紅梅 咸淳臨安志郡有紅梅閣東坡亦有紅梅詩今

土人所種有福州紅潭州紅柔枝千葉邵武紅等種

皆多結實

綠萼梅 咸淳臨安志孤山之梅唐時已著今此花有

數品綠萼千葉尤清絕也錢塘縣志西溪綠萼結實

尤佳他處莫及

鴛鴦梅 盤洲集偶得梅一枝色微紅而五出之上復

有一重皆並蒂雙實杭人呼為鴛鴦梅

桃 方輿勝覽包家山多植桃春時都人游觀最為勝

賞名勝志西湖棲霞嶺上桃花色絢如霞杭州府志

仁和臯亭山特盛

萬歷杭州府志早桃俗曰五月桃最大者曰白桃油桃手桃扁桃又

十月熟者名寒桃

李 萬歷杭州府志李莫盛於西山滿覺街花時如雪

其名類有青消紫粉鵝黃數種

石榴 羣芳譜富陽榴實大者如碗咸淳臨安志唐時

孤山有石榴花見白樂天詩又靈隱舊亦多海石榴

白果 舊浙江通志銀杏俗名佛指甲又名白果臨安

達者特長大

枇杷 咸淳臨安志一名盧橘有一種無核者名盧子

枇杷出嘉會門外於潛黃嶺前烏巾山小錫塘塢出

者尤珍白色者上黃次之

林檎 洪武蘇州府志今呼花紅此種出宋紹興間接

種禁中花開或貴戚大官折賜一枝後傳至中吳凡

園圃皆植之

楊梅 天中記楊梅塢在南山烟霞嶺近瑞峰石塢內

有金姆家甚盛俗稱楊梅塢咸淳臨安志十八澗亦

盛臯亭山產者尤甜

舊浙江通志有早色晚色栗色數種東坡詩注杭人呼白楊梅

為聖僧

棗

咸淳臨安志棗出鹽官者最著名然不甚大

萬歷杭州

府志核小味甜他處不及故名鹽官棗今俗呼羊冠棗又一種山棗名楊桃出昌化縣

榧

杭州府志山縣多產富陽顏塢為佳以火煨食甚

香

木瓜

咸淳臨安志土產木瓜色青而小土人切作片

暴乾入藥都人以糖煎名燒木瓜

橘

元和郡縣志富陽縣王洲出橘為江東之最

仁和縣志

橘之美者皆接生子種者不結實

蜜橘

朱彝尊鴛鴦湖權歌注杭州塘樓市與石門接

壤產蜜橘粗皮而小無核味最甘

西瓜

咸淳臨安志西瓜有青白黃等色其類有金皮

沙皮蜜甕算筒等名土人尤稱周家青瓜皆不若出

謝村櫟林者酥白而大

西湖志覽志杭州月塘皆沙田土宜瓜宋有周姓者善種

之號周家瓜

荸薺

嘉靖仁和縣志近產獨山者佳

甘蔗

咸淳臨安志舊貢今仁和臨平多種之以土窖

藏至春夏可經年味不變小如蘆者曰荻蔗亦甘

蓮

萬歷杭州府志紅花為上白花次之以江干鴻雁

池及西湖所產為最

都城紀勝聚景園後湖中者名繡蓮極貴

藕

咸淳臨安志錢塘有西湖下湖者仁和有北新橋

北護安村產扁眼者最著名萬歷錢塘縣志藕花白者香而結藕

菱 咸淳臨安志初生嫩者名沙角菱硬者名餛飩菱

湖中生如粟樣者極鮮秋末古蕩產大紅菱尤甘脆

今北關外產者名窰頭菱最著名

芡 學圃雜疏芡實一名雞頭最補益獨杭州多而佳

杭州府志今錢塘之良渚仁和之臨平湖所產特佳西湖者尤勝然不多也可篩為粉周紫芝芡實詩雞

頭子熟客新嘗今日空懷各異鄉紅線綠荷香夢裏十年燈火記錢塘

牡丹 牡丹榮辱志牡丹有錢塘花咸淳臨安志昌化

富陽者頗大杭城中吉祥寺東坡曾賞之又有一種

冬月開者和述古有詩蘇軾吉祥寺賞牡丹詩人老

頭醉歸扶路人應笑十里珠簾半上鉤又和述古冬

日牡丹詩一朵妖紅翠欲流春光回照雪霜羞花工

只欲呈新巧不放開花得少休花開時節雨連風却

芍藥 咸淳臨安志艮山門外范浦鎮多植此花冠於

諸邑有早緋玉白綴露又有千葉白尤貴

海棠 咸淳臨安志羅隱為錢塘令手植海棠於縣署

王元之有詩紀之王禹偁錢塘縣羅江東手植海棠

縣香若使當年居顯位海棠今日是甘棠詩江東遺蹟在錢塘手植庭花滿

紫陽花 咸淳臨安志禪宗院有山花一本色紫而香

無人知名白樂天名為紫陽花有詩

辛夷 萬歷靈隱寺志唐時靈隱寺有此花鮮紅可愛

白居易題靈隱寺紅辛夷花戲光上人詩紫粉筆含尖火燄紅臙脂染小蓮花芳情香思知多少惱得山僧悔出家

桂 咸淳臨安志有紅黃白三色天竺多有之南部新

書杭州靈隱山多桂寺僧曰月中桂也至今中秋夜

往往子墜寺僧曾拾得羣芳譜即今山桂天竺最多生子如蓮實離離下垂天竺

僧稱爲月桂其花時常不絕枝頭葉底依稀數點亦異種也湧幢小品紹定間舒岳祥讀書館中秋月

色皎然聞瓦上聲如撒雹敲門視之乃曰此月中桂子也嘗得之天台中呼童子拾得二升大如豫章

子無皮色白如玉有紋如雀卵其中有仁嚼之作芝蔴氣味囊之雜菊花作枕清芬襲人其收拾不盡散

落甌隙者旬日輒出樹子葉柔長經冬猶秀詩序桂子詩序天聖辛卯八月十五夜月石

翳天降靈實其繁如雨其大如豆其圓如珠其色有白者黃者黑者殼如莢實味辛識者曰此月中桂子

極極林下一種即活夢梁錄木犀有黃紅白色者香且韻頤天竺山甚多天長橋慶樂園有數十株

夫嘗往賞此奇香昔年高宗在德壽宮時賞桂嘗命畫工畫爲便面製詩分賜羣臣本草拾遺桂子大於

狸豆破之辛香相傳月中下也靈隱寺種得一株北方無之山桂猶可入藥况月桂乎

謹按桂有金色銀色之分有早花晚花之別惟天竺月桂諸說載在舊籍者民亦往往見之他處則無

山靈使之然耶別有一種花後結子纍纍又一種四季桂一年數花皆不常有

山茶 咸淳臨安志馬塋栽接有一本而十色者

蠟梅 咸淳臨安志萬松嶺上多有見東坡詩此花亦有數品以檀心罄口爲佳

木芙蓉 咸淳臨安志蘇堤岸湖多種木芙蓉秋如霞

錦今放生池尤盛

娑羅花

名勝志昌化千頃山生娑羅花初夏開時其

香遠聞

凌霄

全芳備祖錢塘西湖有詩僧清順居其上自名

藏春塢門前古松各有凌霄花絡其上子瞻過之為

作木蘭花詞

蘭

蘭譜杭蘭其花如建蘭香甚一枝一花葉稍闊有

紫花黃心色若胭脂有白花黃心白若羊脂甚可愛

用橫山黃土揀去石塊種之澆以羊鹿糞水雞鵝毛

水若澆灌得宜來歲花發其香勝新栽白者名蓀出

法華山

毛詩陸疏廣要江產人以蘭為香祖又云蘭無偶稱為第一香蘭之種甚多如竹蘭石蘭

伊蘭崇蘭風蘭鳳尾蘭珍珠蘭玉柱蘭不可枚舉凡吳越皆有之

水仙

名勝志海寧縣錢山產水仙花

薔薇

咸淳臨安志園圃多用以編籬屏有寶象月季

等名

玫瑰

杭州府志杭人採花及腦麝作香囊虎林雜記

花販持盤唱賣以助閨檐晨粧

酴醾

咸淳臨安志有黃白二種白而心紫者尤香

瑞香

咸淳臨安志舊真覺院有此花今馬墜種最多

大者名錦薰籠

山礬

遵生八牋生杭之西山三月着花細小而繁香

山馥甚遠俗名七里香

鳳仙仁和縣志其色不一白者佳杭人浸酒飲之能

好顏色

眞珠咸淳臨安志土人名蘸水青條白蕊粲然可愛

茉莉消夏錄臨安六月士女汎湖多插茉莉

徘徊咸淳臨安志此花極香苑中以雜腦麝爲佩帶

球

菊菊譜南宋臨安有長沙菊滿堂金壽安眞珠孩兒

木白全芳備祖花色極多臨安花市菊化時製爲花塔

楊萬里經和寧門外賣花市見葉詩老眼曾親一東書客舍葭葦菊一株看來看去兩相厭花意蕭條始

似無清曉扇輿過花市陶家全圃移在此于巷

都看不看一枝兩枝誰復遺平地板起金浮屠瑞光

尺照碧虛乃是結成菊花塔蜜蜂作僧僧作蝶菊花

障子更玲瓏翡翠六扇排屏風金錢裝面密如憶金

細滿地無人識先生一見雙眼開故山三徑何獨

懷君不見內前四時有花賣和寧門裏花如海

白蘋百菊集譜天竺花是也五月開花頭細小其

色純紫枝葉如嫩柳幹之長與人等

紅蓼萬歷靈隱寺志生於湖濱俗呼水紅或作水滢

指甲花草花譜生杭諸山中花小如蜜色而香甚用

山土移歸盆中亦可供玩

金鉢盂靈隱寺志生湖中單瓣

金蓮 徑山志出寺中放生池移植他處卽槁靈隱寺

志生湖中重臺

堂花 癸辛雜識馬墪藝花如藝粟非時之品真足以

侔造化凡花之早放者名曰堂花其法以紙篩密室

鑿地作坎置花其上糞土以牛溲琉黃盡培溉之法

然後篲沸湯於坎中俟湯氣薰蒸則扇以微風盎然

盛春融淑之氣經宿則花放矣

按堂一作唐

木竹 筍譜靈隱山其筍可食今人採作杖可愛或與

籩同類

鶴膝竹 咸淳臨安志出靈隱山節密而內實略如天

壇藤間有突起者故名鶴膝

新婦竹 談薈出武林山其竹圓直勒可以作篋

筍譜可爲

筍篋

天親竹 談薈浙中有天親竹末皆兩歧

斑竹 萬歷靈隱寺志有斑文竹種自遠來 峽川志硤

石東山有斑竹園竹幹最鉅而紋最深朗不減湘妃

禾人購以織簾作器具最工雅其在丹井下坡者幹

細而少紋矣

紫竹 大滌洞天記青梓山多紫竹嘉靖浙江通志杭

州紫竹宜爲簫管

雙竹 筍譜今武林山西舊為雙竹院所產修篁皆對抽並節王子敬竹譜云錢塘扶竹蓋此雙竹即扶竹也是竹為筍有合歡貌

碧玉間黃金 夢梁錄竹品有碧玉間黃金

文武竹 餘杭縣前志心實性堅又名雪竹文山出者可作筆管武山出者可作箭桿

曲竹 紫桃軒雜綴洞霄宮生曲竹可為杖 杭州府志 仁和縣安隱寺有曲竹可為杖 林次麟曲竹詩直節稜稜是此君耳孫却

石竹 杭州府志勁利可削為刃

紺箸 天滌洞天記山周回百里多生紺箸葉大無雙樵者往往臨爨得之有好事者攀緣幽討終年不可得

筍籜 餘杭縣新志廣竹所脫者為花筍籜苦竹所脫者為苦筍籜箭竹所脫者為青籜皆有利於物用

茶 咸淳臨安志歲貢見舊志錢塘寶雲菴產者名寶雲茶下天竺香林洞產者名香林茶上天竺白雲峰產者名白雲茶錢塘縣志翁家山亦產茶最下者法

華山石人塢俱名本山茶 蘇軾僧怡然以新茶見餽報以大龍團詩妙供來香積珍烹具大官揀芽分雀舌賜茗出龍團曉日雲菴暖春風玉殿寒聊將試道眼莫作兩般看

山... 卷一百一 物產一

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

華山... 華山... 華山... 華山... 華山... 華山... 華山... 華山... 華山... 華山...

酒 鶴林玉露頃在臨安太學同舍以思堂春合潤州

北府兵廚以慶遠堂合嚴州瀟灑泉飲之甚佳余曰

不剛不柔可以觀德談薈宋南渡御庫有流香三省

鳳泉祠祭有玉練地京醞有雪醞真珠泉皇都春有

美堂中和堂皇華堂榮邸有萬象皆春秀邸有慶遠

花醞 晏公類要仙姥墩東晉初有裴氏姥居此採衆

花醞酒 有竹葉清碧香白酒杭州酒名

薔薇露 老學菴筆記禁中供御酒名薔薇露賜大臣

酒謂之流香酒

物產新通志 卷一百一 物產一

梨花春酒譜杭人趁梨花時釀酒名梨花春白樂天

詩青旗沽酒趁梨花

鹽咸淳臨安志漢置鹽官吳王濞煮海為鹽之地也

泊宅編元豐初盧秉提點刑獄會朝廷議鹽法秉謂

自錢塘縣楊村上流接睦歙等州水勢稍澹以六分

為額楊村下接仁和縣湯村為七分蓋取海水煉鹽

所謂熬波者也湯村則刮鹹以淋瀝織竹為盤塗以

石灰故色少黃竹勢不及鐵則黃色為嫩青白為上

黑即多瀆或有泥石不宜久停嘉祐雜志吳春卿遷

臨安召舖戶詰驗鹽法云煮鹽用蓮子為候十蓮者

官鹽也五蓮以下瀆水滴私鹽也私鹽色紅白燒稻

灰染其色以微官

鹽於足與以辨之

茯苓武林舊事小麥嶺無垢寺偃松下有茯苓因名

泉為茯苓泉杭州府志

山縣俱產

麥門冬舊浙江通志笮橋所產以肥大者為佳

益母草咸淳臨安志生龍井山谷中最佳亦名草天

寐

於朮萬歷杭州府志白朮以產於潛者佳稱於朮

清異

錄潛山產善朮以其盤結醜

怪有獸之形因號為獅子朮

黃精於潛縣志黃精為潛藥上品出天目

藁本圖經本草杭州有之葉似白芷香又似芎藭五

月有白花七八月結子根紫色

黃皮木名勝志雷峰塔產黃皮木咸淳臨安志生於

潛

菘菔 本草綱目浙人謂菘菔又名王瓜草根曰金剛

黃根木 本草綱目

地龍藤 本草綱目生天目山樹繞蟠屈如龍故名

小天蓼 本草綱目天蓼生天目山四明山樹如梔子

詩冬月不凋能逐風而小者為勝山天目

千金草 咸淳臨安志生仁和壘橋

羊躑躅 夢梁錄根名天門冬生錢塘富陽

甘菊 萬歷杭州府志菊花有甘苦二種又野菊土人

於立冬日多採以煎湯浴身又用之囊枕極清目

穠產野菊香味清美及時採之勝於諸品

山石膏 嘉靖仁和縣志石膏山出石膏如雪

鹽硝 西溪叢語出縣東十里煉成樸硝又有冬月白

地中湧起硝通透光瑩者名霜花亦名劍脊硝藥中

用為元明粉紫雪之屬

寒水石 咸淳臨安志輕者寒水石硬者石膏生南高

峰塔下

礪石 嘉靖仁和縣志臨平山細礪洞出礪石

俗稱羊肝石

石燕 昌化縣志雲谷山石燕洞其深莫測時見石燕

飛出 夢梁錄九邑山洞中皆有之

竹瀝舊浙江通志竹品甚多惟淡竹苦竹三種煎瀝

入藥良

赤萍富陽縣志姥岑山上有沼赤萍生其中映水如

錦濯

荻西溪梵隱志渦水曰蒹葭深處秋深荻花如雪

茗名勝志茗溪發源天目經餘杭達錢塘溪岸多茗

花

菖蒲蒙齋筆談錢塘郎簡築別館於徑山下即澗傍

種菖蒲數畝歲採取以白餌山中人目之為菖蒲田

菖米爾雅菖草也生下澤者根既結歲久則

并土浮於水上土人謂之葑田刈去其葉便可耕

其苗有莖梗者謂之菰蔣至秋則為此米太抵葑是

其根菰是其葉耳

夾麥青四民月令清明時土人取以搗汁和粉為果

餌食之

金星草嘉靖仁和縣志金星洞在鳳凰山洞生金星

草

獨帚草萬歷杭州府志一本可為一帚出山縣

虎鬚蒲萬歷杭州府志杭人多植於盆以克玩好

苔大滌洞天記丹泉之傍苔蘚常作紫暈

烟草

杭州府志一名萱葵本產於閩今土人多種此

為業

黃雀

餘杭縣新志麥黃時有細雀漫天而集名曰黃

雀土人以絲網罾之美逾常味

鶉鴒

四朝聞見錄東南之俗以養鶉鴒為樂羣數十

百望之如錦灰褐色為下純黑為貴以粟食之既則

繫金鈴於腰飛而颺空風力振鈴鏗如雲間之珮

山雞

名勝志海寧縣茗山多山雞

飛生

續博物志浙中有鳥名飛生狐首肉翅四足如

獸飛而生子即隨母後人有難產以其爪安胸腹間

立驗

擣藥禽

大滌洞天記擣藥禽止有二伏藏深樹間晝

夜間鳴宛然搗藥聲

馬

咸淳臨安志昔錢氏牧馬於錢塘門外東西馬塋

其馬蕃息當時號馬海

謹按馬非杭產今會城有滿漢八旗駐防以及鎮撫水陸各營皆牧馬水草得宜故馬亦蕃庶

麂

萬歷杭州府志似鹿而小皮甚細土人製以為鞞

獺

萬歷錢塘縣志土人取獺皮為女帽名一盞燈

玉面狸

咸淳臨安志於潛昌化山谷有之

貓

咸淳臨安志都人畜貓有長毛白色者名曰獅貓

不捕鼠徒以飾觀

鮒魚 咸淳臨安志六和塔江邊生者極鮮腴舊浙江

通志四五月間富陽江中有之

石首魚 萬歷杭州府志一名黃魚產於海四五月中

杭人載冰出洋販至省城買之 王右軍帖魚首有石是野鳧所化

筍魚 成化杭州府志其形似筍蓋比目之類俗書作

鱖非時出惟富陽五月有之

鯽魚 杭州府志烏背紫鱗產西湖者尤鮮美

橫魚 餘杭縣前志四月從太湖逆水上大者百觔

石斑魚 嘉靖浙江通志生山澗中身有斑味鮮美

土鯨魚 成化杭州府志或作吐哺舊浙江通志土步

魚清明前者為佳

逆魚 餘杭縣前志產苕溪中長寸許懷子滿腹過五

月不復見

五色魚 名勝志吳山井有五色大魚數十時出游泳

人不敢取又玉泉寺方池清澈可鑑蓄五色魚游泳

金如畫

金鯽魚 能改齋漫錄杭之西湖有金鯽魚投餅餌則

出然不妄食也蘇子美詩云松橋叩金鯽竟日獨遲

留東坡遊西湖詩云我識南屏金鯽魚重來拊檻散

齋餘皆紀其實

金銀魚 花史昌化縣千頃山上有龍潭產金銀魚

雨多應

金魚 程史今中都有豢魚者能變魚作金色以滂渠

之小紅虫飼之初白如銀次漸黃久則金矣又別有

雪質而黑章的礫若漆曰玳瑁魚尤可觀惟杭人能

餌畜之 咸淳臨安志今錢塘門外多畜養入城貨賣

花點鶴頂紅二色分之類名甚衆說者謂魚本傅沫

而生即紅白二色因雌雄相感而生花斑之魚以溪

與魚感則魚尾酷類於鰕有二尾三尾者
金色蛇 萬歷昌化縣志千頃山盤蛇石中有金色小

蛇人呼爲聖蛇

蛙 四朝聞見錄杭人嗜田雞如炙即蛙也舊以其能

食害稼者故有禁久習此味人不能止售者剝冬瓜

以實之寘諸門謂之送冬瓜 侯鯖錄水雞蛙也水族

注云水雞本草名坐魚其性好坐也

石蛤 成化杭州府志似田雞而大俗呼爲錦襖子生

崖谷有水之處

蝦 咸淳臨安志湖生者殼青江產者色白 海寧縣志

邑人製之獨善名曰酒發蝦

蟪蛄 咸淳臨安志產鹽官 即黃

蟹 咸淳臨安志 西湖舊多葑田產蟹土人呼湖蟹絕

難得 蟹譜錢氏置魚戶蟹戶專掌捕魚蟹蟹畧潮蟹出江中

螿 輟耕錄 海寧皆喜食螿螿螿名曰鸚哥嘴以極

紅者似之故也 武林紀事錢塘江邊有小蟹潛於沙穴中謂之彭月寒食人家多醃食之

又海邊出一種比彭月差太食之令人瀉痢又一種足生毛者名口毛螿尤不可食

堉 咸淳臨安志 產鹽官者絕大

海螵 杭州府志 螺屬杭俗立夏以為應時之味以椒

花灑之

無尾螺 永興寺志 錢塘西溪永興寺前放生池產無

尾螺 徑山志 徑山下澗沼中螺俱無尾

蜂 萬歷靈隱寺志 黑而大者名九里蜂

綾 咸淳臨安志 白文公詩紅袖織綾誇柿蒂注云杭

州出柿蒂花者為佳內司有狗蹄綾尤光麗

羅 咸淳臨安志 杭之羅有花素二種染絲織者名熟

絲羅尤貴 舊浙江通志杭州出水緯羅

綢 咸淳臨安志 有績線為之者用絲則熟而輕織

謹按杭綢有一等最輕織者用湖水漂淨宜於染色大紅尤佳以杭絲多錘練故也如帽纓一種亦較勝於他處絨絲等線亦然皆是皆杭之專產志物亦宜備焉

錦 夢梁錄 內司街坊所織錦以絨背為貴

剋絲 咸淳臨安志 有花素二種擇絲織者故名

紵絲 咸淳臨安志染絲所織有織金閃褐間道等類

綿綢 紫桃軒雜綴硤石人積梅雨水以二蠶繭縑絲

織綢有自然碧色名曰松陰色其法本宋寧宗宮禁

製號為天水碧 又紫薇山產綿綢極精號紫薇綢

機紗 咸淳臨安志機坊所織有素紗天淨三法新翻

粟地紗

畫絹 咸淳臨安志機坊多織唐絹幅狹而機密畫家

多用之

綿 夢梁錄以臨安於潛白而細密者佳

棉布 仁和縣志精曰棉粗曰絮凡鄉間皆為之多出

笕橋一帶萬歷杭州府志卉織為棉布出海寧硤石

者視他縣為佳

綦布 成化杭州府志有麻苧二品青白間花

藤紙 元和郡縣志餘杭縣由拳村出好藤紙咸淳臨

安志富陽有井紙赤亭山有赤亭紙

蠲紙 朝野類要宋時臨安有鬻紙者澤以漿粉謂之

蠲紙

油紙 錢塘縣志錢塘出油紙

竹燒紙 餘杭縣新志出南建上高斜坑以竹浸之灰

水中碓成紙祭祀焚以代帛

鼠鬚筆 萬歷杭州府志 鼯鼠俗名松鼠其鬚可為

筆

墨 太平寰宇記 昌化縣晚山山悉松木真墨所出

龍涎香 寶貨辨疑 有伏古雲頭青燕三等其法傳自

南宋

能改齋漫錄 有士人嘗客錢塘江漲橋後至河

南友人寄以龍涎香有江漲橋邊花發時之句

土檀香 上天竺山志 乃樺樹根香極清遠

燈 舊浙江通志 有紗絹紙及羊角等製

挂絲 雲麓漫鈔 紹興中以小竹編聯籠以衣畫風雲

鷺鷥作枕屏一時無名號曰畫絲好事者大其制施

浙甕 太平寰宇記 錢塘縣亭市山餘石鄉村人悉作

大甕今謂之浙甕

假山石 宣和石譜 杭州石出土中色多潔白扣之無

聲其質無峰巒勢偏多磊塊若桃李大尖銑或硃砂

牀有稜角望之光明精瑩頗宜裝綴假山

臨安石 宣和石譜 臨安縣石出土中有兩種一深青

一微青其質甚怪無尖峰高十數尺小者數尺溫潤

而堅扣之有聲間有質樸從而斧鑿修治磨礮增巧

頃歲錢塘千頃院有石一塊高數尺估值五百餘千

置方斛中四面嵌空嶮怪洞穴委曲石罅間植一批

杷巖竇中嘗有露珠凝滴目為醜石政和間取歸內府此石之尤者

丹砂石 名勝志錢塘定山風水二洞中石子有紅點如丹砂持出即隱

瑪瑙石 西湖游覽志瑪瑙坡在孤山東碎石文瑩若

瑪瑙

謹按昌化縣產圖書石紅點若砂亦
有青紫如玳瑁良可愛玩近則罕得矣

指光石 輟耕錄製髹器用指光石磨拭即雞肝石也
出杭州上柏三橋埠牛頭嶺

青石 萬歷杭州府志錢塘南高峰產青石土人採為

金銀錫箔墩極光膩又用為搗衣砧及誌石碑石之類

謹按省城離龍入首發脉九曜山實源於南高峰上映火曜鑿石常致火災是以官禁採鑿

白泥 餘杭縣前志出白泥山水澄過白如粉用以飾布春米又繪畫者以為粉地

石灰 萬歷杭州府志凡近山產石處皆燒造其多莫如錢塘上四鄉及富陽之盛

磚瓦 萬歷杭州府志仁和餘杭皆造

薪炭 臨安縣志臨邑地出薪炭結筏轉輸


蚊烟 萬歷杭州府志蚊土人以艾烟裹紙熏之輒避

發燭 輟耕錄杭人削松木為小片薄如紙鎔硫黃塗其頂名曰發燭又曰焯兒陶公呼為引光奴今又易名火寸以焯寸聲相近也

湖上土宜 萬歷杭州府志起於宋時嬉游湖上者競買泥孩鸚哥花湖船等物回家分送鄰里名之曰湖

上土宜 夢梁錄每歲七月七日貴宅及士夫皆出湖上買磨蝎藥又名磨喉羅孩兒悉以土木雕塑更加綵裝闌座下以桌架之用青絲銷金桌衣圍護或以金玉珠翠裝飾尤佳

勅修浙江通志卷一百一



天保製大已

於酒席以障風野次便於圍坐人競為之今名挂絲蓋以絲挂於竹骨之上也

扇 夢梁錄大街關撲有異色影花扇小市周家有招

撲扇 春風堂隨筆今世所用摺扇亦名聚頭扇南宋以來咏此者甚多

竹簟 仁和縣志桃枝竹皮滑而黃可為蓆

蚌珠 太平寰宇記錢塘縣明珠浦通浙江生蚌珠

金箔 萬歷錢塘縣志金箔銷金之尤者今民間首飾器用多用塗畫歲糜不貲宋時曾禁轉鬻

錫箔 虎林雜記錫箔獨杭產城內造者不下萬家

鉛粉 嘉靖浙江通志出杭州

銀硃 嘉靖浙江通志出杭州

橐籥沙 西溪叢語仁和縣出在縣東四里海際之人

採用鼓鑄銅錫之模諸州皆來採亦猶邢沙可以碾

玉也

漆 明一統志昌化縣出

柿漆 仁和縣志柿有一種名油柿浸得油名曰柿漆

用以油紙可隔水 柿漆杭人用以製扇名蜀府扇質粗耐久近人又以柿漆漆紗頗宜

暑服

窰器 輟耕錄南渡後修內司造青器名內窰模範

精為世所珍



